

國

朝

列

卿

紀

國朝列卿紀卷之五十一

國初兵部左右侍郎年表

朱

玠

洪武元年任
人

安

統

詳本部尚書
洪武元年任

劉

貞

詳本部尚書
洪武二年任

樂韶鳳

詳本部尚書
洪武四年任

李

澂

詳本部尚書
洪武五年任

王

政

河南汝州人
歲貢洪武六年任

商

英

河南陳留人
才洪武七年任

趙圭玉

浙江山陰人
才洪武七年任

董俊

詳本部尚書
洪武九年任

何禮

詳本部尚書洪
武十二年任

蔡恕

北直隸深州人
貢洪武十三年任

張易

河南鄆陵人
薦舉洪武十四年任

俞綸

詳本部尚書洪
武十五年任

鍾勗

浙江慈谿人
洪武十六年任

劉述

山西襄陵人
歲貢洪武十七年任

王志

直隸藁城人
洪武十七年任

陳思道

浙江山陰人
進士洪武二十年任

沈潛

詳本部尚書洪
武二十年任

邵永善

浙江仁和人進士洪武二十三年任調工部

許濂

山東濰縣人薦舉洪武二十五年任左

葉璫

武二十七年任右人薦舉洪

葛瑾

山東沂水人進士洪武二十八年任右

齊泰

詳本部尚書洪武二十八年任左

王翼

山東魚臺人進士洪武二十九年任右

劉雋

詳本部尚書洪武三十一年任左

盧淵

江西新建人監生革除二年任左

徐垕

浙江黃巖人徵辟革除二年任右

古朴

詳南京戶部尚書革除三年任右

方賓

見本部尚書革除四年任右隸轉左

師達

詳南京戶部尚書山東東阿人國子生革除四年任右

墨麟

陝西高陵人舉人革除四年任右

喬穩

山東章丘人永樂元年任左詳行部左侍郎

郭良

陝西華陰人薦舉永樂五年任左

徐銘

直隸丹徒人人才永樂七年任右

程新

江西新城人舉人永樂十一年任右

張忠

直隸開州人國子生永樂十一年任右

國初兵部左右侍郎行實

朱珎字

人天兵下吳授蘇州府同知以才幹

稱洪武元年陞兵部左侍郎年罷官

安統詳本部尚書洪武元年任侍郎

劉貞詳本部尚書洪武二年任

樂韶鳳詳本部尚書洪武四年任

李澂詳本部尚書洪武五年任

王政字

河南南陽府汝州人洪武由貢入國子監其前不

可考洪武六年陞兵部侍郎未幾以事免

商英字

河南陳留縣人洪武初薦舉六年任兵部侍郎

趙圭玉字

浙江紹興府山陰縣人洪武初舉人才七年陞

兵部侍郎九年出知萊州有惠政未幾卒於官

董俊詳本部尚書洪武十二年任

何禮詳本部尚書洪武十二年任

蔡恕字

直隸真定府深州人洪武中歲貢十三年任兵部

侍郎

張易字

河南鄆陵人洪武中薦舉十四年任兵部侍郎十

八年改戶部左侍郎詳戶部

俞綸詳本部尚書洪武十五年任

鍾勗字士懋浙江寧波府慈谿人蚤失怙恃肆力問學工於文

洪武五年舉教授赴京特授廣東番禺令政尚平易不以察
察爲明時官造冊官商備材高估以病民量預令采山場藤木
宿峙以待需官民兩便焉六年颶風漲作平地水深數尺鹽食
濱江儲貯數百萬沒幾及之勗勗率民丁俾家出一甃盛土石
築堤以防貨賴無恙先是學宮廢圯師儒賓禮無地勗捐俸掄
材構講堂齋舍未幾坐事免歸十年以明經舉授兵部侍郎親
事方月餘時尚書員缺獨署部事公務繁冗勞心焦思遂病不
起卒於京邸寓舍

劉述字

山西平陽府襄陵縣人洪武十二年歲貢十七年

陞兵部右侍郎十九年致仕

王忠卽好德直隸藥城人洪武初舉人才十七年任禮部左侍郎改兵部左侍郎十八年坐爲勾補逃軍事受贓十二萬上問之何貪若是對曰財利迷其心雖君親亦忘之上曰今如何對曰臣臨刑方覺悔不及矣伏誅

陳思道字執中浙江紹興府山陰縣人父谷深居鑑湖濱且耕且讀生四子思道最幼負奇氣穎悟出倫日記數千言見者每以公輔奇之及對人言曰吾必爲吾父償嘗償洪武三年開科取士舉鄉薦登乙丑進士授刑部主事執法不回二十年朝廷知其賢驟銓兵部右侍郎益勵風節雖至戚信友不敢干以私由是名譽日彰寵遇日盛二十一年轉禮部左侍郎二十三

年三疏乞歸養見國初禮部

沈潛詳本部尚書洪武二十年任左侍郎

邵永善字

浙江杭州仁和人洪武乙丑進士二十一年陞

刑部右侍郎二十二年轉左二十三年改兵部二十五年改工部左侍郎二十七年免見國初工部

許濂字

山東萊州府濰縣人洪武中薦舉二十五年任兵

部左侍郎

葉璵字

人洪武中薦舉二十五年歷通政使

二十七年陞兵部右侍郎免

葛瑾字

山東沂水人洪武乙丑進士二十八年任兵部右

侍郎二十九年免

齊泰詳本部尚書洪武二十八年任兵部左侍郎

王翼字

山東魚臺縣人洪武戊辰進士二十九年任兵部

右侍郎

劉雋詳本部尚書洪武三十一年任兵部左侍郎革除二年陞
侍中壬午年復除本部左侍郎

盧淵字文濺江西南昌府新建縣人洪武中由監生授兵部主
事陞員外郎郎中以賢勞特擢本部右侍郎尋罷歸永樂初復
起爲右侍郎嘗督工運木河上事集而人不勞進表至京遭疾
上遣使賜藥日候疾輕重以聞旣還獨領兵部事卒於官

上與

東宮特遣祭賜賻追贈兵部尚書諡恭順見一統志

徐垕字宗實以字行浙江台州府黃巖人天資穎銳豪邁仲弟宗茂季弟宗原皆有異質昆弟自相師友垕弱冠聞永嘉史文璣承徽國文公正傳講學鄉校同弟往從之游深有所領悟及年漸富而學日充負才尚氣有經綸天下之志慕范文正之爲人恒誦先天下之憂而憂後天下之樂而樂之語拊几昌言必如是而後可謂士矣居無何元運告終弗克以展素蘊於是贅居永嘉設塾授徒若將終身焉時大學士黃淮年十六叨選入邑庠充弟子員受業其門凡四寒暑垕剛毅嚴正約敎條爲學規務實理而不尚浮辭賞罰勤怠悉當其請諸生咸知振勵洪

武壬戌膺聘詣闕數被顧問敷奏剴切灼中時宜 太祖授司
風紀職屢以草茅愚孱辭除銅陵簿復請歸迎母就養 上怒
謫役淮陰驛郡邑素景仰之聞至爭出迎延至爲賓師多所造
就尚書楊靖在庠校率先受業未幾起爲駙馬都尉胡觀師教
法嚴明如在鄉塾時觀受教惟謹旣冠入府成禮畢每當講授
中使援他府例設駙馬位於堂北牖下南面而置師席於階上
東面屋撫然曰師嚴道尊道尊然後民知敬學手引駙馬位使
下爲說書明目貽書責以三事大義及富貴驕人之說觀泣下
媿謝執弟子禮愈恭略統綺之習尚儒雅之風 太祖深喜之
召見獎諭再三復命駙馬梅公主公輩訪論稽古咸有新益時

屢聘主柄文衡取士如鑑空明妍媸莫逃奉 旨作饒歌鼓吹
十二篇以爲樂典東宮令題僊女醉歸圖援筆輒就中寓人情
易盡之義頗切規諷 上聞而喜召見褒賞洪武中任蘇州府
通判治有異政蘇守李善薦於朝曰此人大用可致雍熙詔擢
兵部右侍郎嘗 欽勅出使兩淮兩浙以過家稽留被劾遷尚
寶司丞不數月復起侍郎其判蘇州也奏發粟二萬賑活饑民
當春暴水嚙游爲患乃興治水之後探訪使以爲妨農勞民沮
之屋上言他役可以妨農止水不退則田不可耕妨農莫甚焉
廷議黜之郡乘載節婦王氏屋請旌之禮部以前朝事不允屋
以武王封比干非前朝事乎至今以爲盛典朝議謂知大體從

之工部需銅數千斤從辦倉卒屋見一寺有銅佛巨甚爲文告
曰佛以慈悲爲本今官民迫切罔知所錯舍銅像而易以土勿
靳真慈悲也乃碎之應數上下驚肅其入爲侍郎也首請移整
風俗罷止不急振舉裁定賦稅撫安農業開政教之路塞異端
之源進賢退不肖等十事皆切時要吏部尚書張統戶部尚書
王純兵部茹瑞都御史茅大芳會決疑定議屋是是非非有所
見歷言之不徇私不黨同一揆於義以故多相矛盾所陳事有
寢而不行者其欽使淮浙也便宜行事濟泉州郡聞風振聳至
見廉能者禮之闖葺者黜之所建議密緘以聞上降手詔曰
知卿深有識見從便處置海州有節婦侍小花年十六許嫁而

夫失歸夫家成喪養姑送終剪髮自矢採訪使上其事請旌之所司以其年未五十不合例屢奏此婦旣能哭夫於筮嫁之初又能剪髮於葬姑之後雖剜目截髮亦無以過其立志卓異難與尋常守節者比卒從其請自淮適蘇道遇旋風泝入回翔而去屋異之遣人隨踪至湖茨上乃折湖水數死屍華蘿下衣裳中有小印及梭布目錄知商者爲盜所害戒所司勿洩給言部劄買布甚急且溢其價於是輸布者雜還潛以小印窺驗竟得賊莫敢不服浙西有郡庫與僧寺密邇偶而庫焚衆咎寺僧失火下之獄庫密庫多桐油嘆曰非僧罪也取油數籠置烈日驗之晝而火發衆皆驚異獄遂釋是以勲業益廣寵眷益隆朝士

竊相以徐雍熙目之及年漸老而志猶壯適兵興奉使招集兩浙義勇又明年成祖入正大統家因以覆卒於京侃然之氣不少衰是爲永樂改元之年年六十有二

古朴字文質河南開封府陳州人洪武中鄉貢爲大學生奉命清理郡縣田賦圖籍丁父喪歸二十年服闋隸五軍斷事理刑遂奏家貧願仕得祿養母太祖嘉之除工部營部主事授承仕郎迎母就養京師二十六年母歿官給舟歸葬二十八年服闋改兵部司馬部主事二十九年陞武選司員外郎授奉訓大夫三十年陞郎中授奉議大夫輩除三年陞兵部右侍郎授嘉議大夫壬午年成祖入正大統改戶部右侍郎轉左侍郎授

通議大夫賜文綺襲衣四年因建北京命採木江西有愛民之心竣事特被賜賚七年上巡狩北京侍仁宗監國常奉命權禮部兵部及詹事府事十八年扈行在詳南京戶部

方賓註本部尚書壬午年任本部右侍郎本年轉左

師達字元達山東兗州府東阿縣人由縣學貢入國子生洪武二十一年陳情養母求仕特擢監察御史革除中陞陝西按察使時囚淹繫殆千人達至審其罪量輕重而決遣之浹旬之間獄爲之空丁母憂去官廬墓側不茹葷飲酒者三年壬午年成祖入正大統召爲兵部右侍郎尋轉吏部侍郎永樂四年營北京宮殿命採木湖廣詳南京戶部

墨麟字

陝西西安府高陵人洪武甲子舉人二十五年擢

監察御史革除中陞北平副使靖難師起命守北平總督軍餉

壬午年陞刑部右侍郎本年改兵部右侍郎永樂二年仁宗

儲德東宮命兼少詹事五年卒於官贈少保謚榮毅

喬穩字

山東濟南府章丘縣人永樂元年任兵部左侍郎

三年遷北京行部左侍郎詳北京行部

郭良字

陝西西安府華陰縣人洪武中薦舉永樂五年任

兵部左侍郎

徐銘字

直隸鎮江府丹陽縣人洪武中人才擢兵部主事

歷郎中坐事謫東安永樂三年以薦舉起山東道監察御史四

年陞揚州知府七年陞兵部右侍郎十一年出爲山西左布政使後卒於官

程新字文炳江西建昌府新城縣人洪武丙子舉人授雙流知縣居官清慎練達政務興禮讓革奸弊勸農桑毀淫祠政化大行以後宦績不詳永樂十一年陞兵部右侍郎十五年卒於官

張忠字

直隸開州人自幼才識明敏在太學有聲洪武乙

丑進士永樂初任刑科給事中十一年任右侍郎十二年陞刑

部左侍郎詳國初刑部

國朝列卿紀卷之五十二

兵部左右侍郎年表

崔衍

衍

山東膠州人薦舉永樂十八年
右二十二年調四川右布政

李友直

直隸清苑人吏貢永樂十九年以工左
署兵部事二十二年陞工部尚書詳工部

孫時

時

山東鄆城人鄉舉永樂二十二年
左洪熙元年調南京太常寺卿

張信

信

河南祥符人鄉舉洪熙元年
右本年改四川都指揮使

曹本

本

人永樂初城守功
洪熙元年左宣德五年卒

戴綸

綸

山東高密人永樂初薦舉洪
熙元年右本年下獄賜死

甄儀

儀

陝西麟遊人鄉舉洪熙元年右
宣德二年左蒞事南京兵部

王驥

驥

詳尚書宣
德二年右

柴東 詳尚書宣德五年右尋左

徐晞 詳尚書宣德十年右

李郁 河南洛陽人鄉舉宣德十年右正統二年丁憂起南京兵部

鄺堃 詳尚書正統元年左

鄭辰 浙江西安人永樂丙戌進士正統三年左九年致仕

虞祥 直隸崑山人鄉舉正統八年右十年卒

李贊 直隸長洲人永樂乙未進士正統十一年右十三年卒

于謙 詳尚書正統十三年右

楊翥 直隸吳縣人正統初為奉天十四年山陽府右長史陞右侍郎不治事後加禮部尚書致仕

吳寧 直隸歙縣人宣德庚戌進士正統十四年右景泰元年致仕卒於家

項文曜

浙江淳安人宣德癸丑進士正統十四年右景泰二年陞吏部左侍郎

鄒幹

浙江餘杭人正統己未進士正統十四年右景泰二年陞吏部左侍郎

俞綱

浙江嘉興人正統己未進士正統十四年右景泰二年陞吏部左侍郎

李賢

河南鄧州人宣德癸丑進士景泰二年右四年改吏部歷內閣少保華蓋殿大學士卒謚文達

王偉

湖廣攸縣人正統丙辰進士景泰二年右天順元年為民

宋琰

浙江奉化人永樂乙未進士景泰六年右天順元年調南京兵部右侍郎

郝璜

河南光州人正統壬戌進士天順元年右本年調南兵改南京工部左侍郎

龔永吉

浙江義烏人鄉舉天順元年右本年調南禮改南京大理寺卿

王復

見尚書天順元年右三年左

白圭

詳尚書天順三年右

韓雍

直隸長洲人正統壬戌進士天順七年右

程信

見尚書成化元年右尋左

李震

順天宛平人正統丙辰進士成化二年右三年左至十一年卒

陳宜

江西太和人正統壬戌進士成化三年右八年丁憂

滕昭

河南汝州人鄉舉成化八年右十一年左十三年致仕

馬文升

詳尚書成化十一年右十三年左

張鵬

詳尚書成化十三年右十五年左

李敏

河南襄城人景泰甲戌進士成化十五年右九年回籍歷戶部尚書贈太子少保諡恭靖

俞欽

浙江新昌人景泰辛未進士成化十九年左二十年卒

阮勤

交趾多翼人景泰甲戌進士成化十九年右二十一年左二十二年調南京刑部左侍郎

何琮 浙江仁和人景泰甲戌進士成化二十一年右二十二左弘治二年卒

尹直 江西太和人景泰甲戌進士成化二十二年左本年入閣歷太子少保兵部尚書兼學士卒諡文和

侯璣 直隸雄縣人景泰甲戌進士成化二十二年右本年調南京禮部右侍郎歷南京兵部尚書

呂雯 直隸安州人鄉舉成化二十年右弘治二年左七年卒

張海 山東德州人成化丙戌進士弘治三年右七年左八年致仕

李介 山東高密人成化己丑進士弘治七年右八年左十一年出督宣大軍務卒贈兵部尚書

王宗彥 直隸東鹿人成化丙戌進士弘治八年右十一年左十三年陞右都歷南京禮部尚書

楊謐 河南儀封人成化己丑進士弘治十一年右十三年卒

熊翀 河南光州人成化己丑進士弘治十三年左十七年陞南京戶部尚書

熊繡 江西豐城人成化丙戌進士弘治十三年右十七年左歷南院右都御史

閻仲宇

詳尚書弘治十八年右正德元年左

馬中錫

直隸故城人成化乙未進士正德元年右本年調南京工左歷部察院左都御史

曹元

詳尚書正德二年右尋左

韓重

山西絳州人成化戊戌進士正德二年右本年陞南京工部尚書

文貴

遼東廣寧人成化乙未進士正德二年左三年總督宣大軍務

劉纓

江西新淦人成化戊戌進士正德三年右五年陞南京刑部尚書

才寬

直隸遷安人成化戊戌進士正德三年左四年陞工部尚書出總三邊

胡汝礪

詳尚書正德四年左

王敞

詳尚書正德五年左

陳震

陝西慶陽人成化丁未進士正德五年右未任罷免

陸完

詳尚書正德五年右尋左

陸浩

山西岢嵐人成化甲辰進士正德五年右六年左八年陞禮部尚書掌通政司事

石玠

直隸藁城人成化丁未進士正德六年右八年左九年陞右都歷戶部尚書

李貢

直隸蕪湖人成化甲辰進士正德八年右未任乞休卒贈南京工部尚書

王璟

山東沂州人成化壬辰進士正德八年右本年改吏部歷左都御史太子太保

陳玉

直隸沂州衛籍揚州高郵人弘治癸丑進士正德八年右九年左十四年陞前院左都御史

黃珂

四川遂寧人成化甲辰進士正德九年左本年陞南院右都歷南京工部尚書

丁鳳

直隸蠡縣人成化丁未進士正德九年右十二年總督宣大軍務

王憲

詳本部尚書正德十二年右十四年左

馮清

順天宛平籍浙江餘杭人弘治癸丑進士正德十四年右十五年左十六年回籍後起總督宣大軍務

楊廷儀

四川新都人弘治己未進士正德十五年右十六年左嘉靖二年致仕

吳廷舉

廣西蒼梧人成化丁未進士正德十六年右本年調南京工部嘉靖二年轉兵部左歷南京工部尚書

李鉞

詳本部尚書正德十六年右嘉靖二年左

李昆

字介子山東高密人弘治庚戌進士正德十六年右嘉靖二年致仕

姚鎮

浙江慈谿人弘治癸丑進士嘉靖二年右添註四年總督兩廣歷總督三邊兵部尚書兼左都御史

鄭岳

福建莆田人弘治癸丑進士嘉靖三年右四年左尋致仕

胡世寧

詳尚書嘉靖四年左

王時中

詳尚書嘉靖四年右五年左

張璠

浙江永嘉人正德辛巳進士嘉靖五年右六年左歷少師華蓋殿大學士卒贈太師

王珣

直隸涿州人弘治己未進士嘉靖五年由南京大理卿陞右六年卒於官

伍文定

湖廣松滋人嘉靖六年
左詳團營本部尚書

周倫

直隸崑山人弘治己未進士嘉靖六
年右七年左本年陞南京刑部尚書

王廷相

見團營尚書嘉
靖七年右尋左

陳汝謨

湖廣武陵人弘治丙辰進士
嘉靖八年右十年左尋爲民

潘希魯

浙江金華人弘治壬戌進士嘉靖十
一年右尋左十一年卒贈兵部尚書

錢如京

直隸桐城人弘治壬戌進士嘉靖十
一年左十二年總督兩廣歷刑部尚書

黃宗明

浙江鄞縣人正德甲戌進士嘉靖十一
年右本年諭福建叅議歷禮部左侍郎

黎奭

湖廣鍾祥人正德辛未進士
嘉靖十二年左本年丁憂

寇天敘

山西榆次人正德戊辰進
士嘉靖十二年右本年卒

張璣

詳本部尚書嘉
靖十三年左

徐問 直隸武進人弘治壬戌進士
嘉靖十三年右十四年改

李廷相 山東濮州人弘治壬戌進士嘉靖十
四年左十五年改禮部歷戶部尚書

周銓 直隸武進人正德戊辰進士嘉靖十四年
右十五年總督漕運歷南京戶部尚書

周敘 湖廣九谿人正德辛未進士嘉靖十五
年左本年總督宣大軍務歷工部尚書

潘珍 直隸婺源人弘治壬戌進士嘉
靖十五年右尋左十六年開任

李如圭 湖廣德安人弘治己未進士嘉靖十
五年右十六年改吏部歷戶部尚書

樊繼祖 湖北部尚書嘉
靖十六年左

張衍慶 河南汲縣人正德辛未進士嘉靖
十六年右兼學士十八年爲民

陶諧 浙江會稽人弘治丙辰進士
嘉靖十八年左二十年致仕

張潤 山西臨汾人弘治壬戌進士嘉靖十八年
右本年陞戶左歷工部南京吏部尚書

史道

順天涿州人正德丁丑進士
嘉靖二十年左未任爲民

王以旂

詳本部尚書嘉
靖二十年右

費榮

江西鉛山人正德辛未進士嘉靖二十年左二
十一年改禮部左歷少保禮部尚書卒諡文通

張漢

湖廣鍾祥人正德甲戌進士嘉
靖二十二年左二十四年謫戍

侯綸

山西太原人正德辛未進士嘉靖二十二年右二
十三年回籍聽用後起南京戶部右侍郎致仕

路迎

詳本部尚書嘉靖二十
三年右二十四年本尚

萬鏜

江西進賢人弘治乙丑進士嘉靖二十
四年右尋左二十五年陞南刑部尚書

劉儲秀

詳尚書嘉靖
二十五年右

范鏹

詳尚書嘉靖二十五
年右二十七年左

張岳

福建惠安人正德丁丑進士嘉靖二十六
年左未任陞右都御史督湖廣等處軍務

趙廷瑞 詳尚書嘉靖
二十六年左

詹 登 直隸山海衛人嘉靖丙戌進士二
十七年右二十八
年左尋開任

陸邦瑞 詳尚書嘉靖二十八
年右本年改吏部

蘇 祐 山東濮州人嘉靖丙戌進士二十八
年左尋總督宣大軍務歷加右都御史兵部尚書

謝 蘭 山西振武人嘉靖丙戌進士二十
九年右本年降南京太僕寺卿

史 道 詳前嘉靖二十九年起左歷
督督太子太保兵部尚書

聶 豹 詳尚書嘉靖二十
九年右二十
年左

張時徹 浙江鄞縣人嘉靖癸未進士二十九
年右添註三十一年左三十二年丁憂

楊 博 詳尚書嘉靖三十一年右三
十二年左本年改鎮薊遼

賈應春 直隸真定人嘉靖癸未進士
三十二年右未任總三邊

翁溥

浙江諸暨人嘉靖己丑進士
三十二年右二十三年左

沈良才

直隸太州人嘉靖乙
未進士三十三年右

謝九儀

山東章丘人嘉靖壬辰進士
三十五年左本年改戶部

王崇

浙江永康人嘉靖己丑進士三十五年左
三十六年兼左僉都御史出督川貴軍務

吳嘉會

山西振武衛人嘉靖乙未進士
三十六年左三十七年下獄

江東

山東朝城人嘉靖己丑進士
三十六年右三十七年左

閔煦

北直隸任丘人嘉靖乙未進
士三十七年右三十九年左

魏謙吉

直隸栢鄉人嘉靖戊戌進
士三十九年推右未任卒

李遂

江西豐城人嘉靖丙戌進
士三十九年右四十年左

葛縉

山東昌邑人嘉靖乙未進士四
十年右本年左四十二年致仕

范欽

浙江鄞縣人嘉靖壬辰進士
十四年推右太任總勘

郭乾

見尚書嘉靖四十年右四十二年轉左
本年陞右都御史總督陝西三邊軍務

胡松

直隸滁州人嘉靖己丑進士
十二年左四十四年改吏部

蔡汝楠

浙江德清人嘉靖壬辰進士
十四年右本年調南京工部

萬恭

江西南昌人嘉靖甲辰進士
四十二年右四十四年左兼僉都御史巡撫山西

王之誥

湖廣石首人嘉靖甲辰進士
四十四年右

鮑象賢

直隸歙縣人嘉靖己丑進士
四十四年任左四十五年致仕

遲鳳翔

山東臨朐人嘉靖甲辰進士
四十五年任左

吳桂芳

江西新建人嘉靖甲辰進士
四十五年任右隆慶元年轉左

譚綸

詳尚書隆慶元年任右二年左

曹邦輔

山東定陶人嘉靖壬辰進士隆慶二年任右

翼鍊

山東益都人嘉靖甲辰進士隆慶二年任右

劉燾

直隸天津衛人嘉靖戊戌進士隆慶二年任右

曹亨

河南新蔡人嘉靖乙未進士隆慶三年任右轉左

楊巍

山東海豐人嘉靖丁未進士隆慶三年任右

谷中虛

山東海豐人嘉靖甲辰進士隆慶四年任右五年左

王遴

見尚書隆慶四年任右五年左

翁大立

浙江餘姚人嘉靖戊戌進士隆慶四年任左五年回籍

魏學曾

陝西紫陽人嘉靖癸丑進士隆慶四年任右

石茂華

山東益都人嘉靖甲辰進士隆慶五年任右轉左

張 翀

廣西馬平人嘉靖癸丑進士隆慶五年任右

汪道昆

直隸歙縣人嘉靖丁未進士隆慶五年任右萬曆元年轉左

吳伯朋

浙江義烏人嘉靖丁未進士隆慶五年任右

栗永祿

山西長治人嘉靖甲辰進士隆慶五年任右

梁夢龍

見尚書萬曆二年任右五年轉左

吳道直

直隸定州人嘉靖癸丑進士萬曆二年任右五年轉左

曾省吾

江西彭澤人嘉靖丙辰進士萬曆三年任右五年轉左六年陞南京右都御史掌院事

邵光先

山西長治人嘉靖己未進士萬曆五年任右六年轉左兼右僉都總督陝西三邊

張學顏

見尚書萬曆五年任右本年轉左

鄭 洛

直隸安肅人嘉靖丙辰進士萬曆六年任右本年轉左

孟重

陝西渭南人嘉靖癸丑進士萬曆六年任右

吳允

見尚書萬曆七年任左九月陞左都御史管左侍郎事九年總督薊遼保定

王一鶚

見尚書萬曆七年任右九年轉左

張佳胤

見尚書萬曆九年任右

辛自脩

河南襄城人嘉靖丙辰進士萬曆十一年任右本年左

陰武卿

四川內江人嘉靖丙辰進士萬曆十一年任右十二年左十三年陞南京工部尚書

辛應乾

山東安丘人嘉靖壬戌進士萬曆十一年任右本年轉左十二年陞南京右都御史

溫純

陝西三原人嘉靖乙丑進士萬曆十二年由大理卿任右八月左十七年丁憂

石星

直隸東明人嘉靖己未進士萬曆十二年由左副都陞右十三年左十五年陞工部尚書

蕭廩

江西萬安人嘉靖乙丑進士萬曆十三年右十五年卒

楊俊民

山西蒲州人嘉靖壬戌進士萬曆十五年任左加正二品服條十七年

蕭大亨

山東泰安籍江西吉水人嘉靖壬戌進士萬曆十五年任右十七年總督宣大山西

沈子沐

浙江歸安人嘉靖己未進士萬曆十七年任右未上丁憂

許守謙

直隸藁城人嘉靖乙丑進士萬曆十七年任右十八年左

蹇達

四川重慶衛人嘉靖壬戌進士萬曆十七年由戶部右陞左十八年總督薊遼保定

王基

山東青州左衛籍萊陽人嘉靖乙丑進士萬曆十八年由大同巡撫陞右侍郎

兵部左右侍郎行實

崔衍字



山東萊州府膠州人洪武末年由人才薦舉授北

平衛經歷永樂元年以城守功陞河間府知府幹濟有方不激
不隨善撫插流移使居民樂業四年以善政著聞召爲北京行
部右侍郎提督營造鳩工利材各有程限使夫役不得脫影規
射十八年定開北京華行部改兵部右侍郎會車駕北征尚
書趙珪督軍餉衍專部事因軍務叢沓或以觸違忤旨二十
二年調四川左布政使後卒於官

李友直字居正直隸保定府清苑縣人洪熙元年正月任行在
工部尚書諡曰工部

孫時字

山東兗州府鄆城縣人洪武丙子舉人授山西

關縣學教諭振舉卧碑開之矩矱士率其教三十一年陞金壇
知縣革吏弊均賦稅興學校政績日著民其愛之永樂元年超
陞河南僉事五年以事還刑部主事九年進員外郎明習律法
不尚嚴刻十一年吏部尚書蹇義薦爲大理寺右寺丞益慎比
擬叅駁稱平十九年定開北京命巡撫山西地方考察官吏安
輯軍民本年事竣改北大理寺二十二年 仁宗嗣位陞行在
兵部左侍郎時年力近衰不堪煩劇洪熙元年調南京太常寺
卿優佚之餘詳南京太常寺

張信字懋孚河南開封府祥符縣人自幼讀書爲文洪武已

卯應鄉薦第一會試不第入太學成祖入正大統科道缺人
選擢刑科給事中永樂元年奏對稱 旨陞禮科右給事中踰
年陞刑科都給事中在科闔夾議大體不掇拾細微事見重
成祖七年特陞行在工部左侍郎九年命濬河道同尚書宋禮督
治有功十二年以事累謫交趾洪熙元年 仁宗特詔召還改
兵部右侍郎二月以英國公張輔同族改四川都指揮僉事後
陞都指揮使子孫世襲鎮靜一方蜀人安之

曹本字

人洪武末年由監生授北平大興縣

縣丞永樂元年以城守功陞工部員外郎六年陞江西僉事踰
年坐事謫交趾八年起雲南按察司副使十五年陞陝西按察

使俱以才幹稱洪熙元年陞兵部左侍郎都察院劾本前任雲南嘗犯贓罪今雖遇赦當罷爲民 上以靖難時居守多歷艱難令削半俸用之本與尚書張本同定條例值天下乂安干戈甫息故尋常供職亦不速官謗宣德五年卒於官

戴綸字

山東高密人永樂初薦舉任右中允二十二年秋

陞右諭德洪熙元年閏七月以東宮舊寮陞兵部右侍郎以不知誤諫出獵忤 上意八月令出鎮交趾

甄儀字

陝西鳳翔府麟遊縣人洪武中舉人入太學除戶

部主事平坦不事矯飭永樂初出爲長沙府同知以書弟宜民調嘉興府尋改順天府丞十九年定鼎北京陞順天府爲京兆

尹特陞順天府尹時庶事草創百責各萃儀以靜處之民賴不擾洪熙元年陞兵部右侍郎宣德二年陞兵部左侍郎兼事南京詳南京兵部

王驥詳尚書宣德二年右五年出清兩畿屯駐

柴車詳尚書宣德五年右尋左

徐晞詳尚書宣德十年右

李郁字文燁河南洛陽人洪武丙子領鄉薦授四川臨邛縣儒學訓導士子多所造就秩滿超銓工科給事中言事無所顧忌雖坐事從戎處之泰然五年如一日當是時朝廷方有營造將取材於巴蜀廷臣薦之掄採有方應期而集洪熙元年轉禮

科給事中獻替可否素守益堅遷光祿寺丞轉通政司右叅議奉職尤謹宣德二年出爲長沙知府事有利害所當興除者

賜璽書俾便宜行事比履任不苟察以竣法不矯揉以矜能以平易近民民賴以安郡有以強盜繫獄蔓結郁按其實立出累者五十餘人暇則修明學校作興士氣曾未浹期化教覃孚十年召還擢行在兵部右侍郎正統元年奉命鎮守山東所以彌替機務綱維百辟與夫邊防之扼塞窮閭之隱情靡不經理由是烽堠不警民物安堵旣而持節冊使交趾宣布德威羣情帖息符牘填委而裁量剖折庭無留事上賜綸褒嘉之由嘉議大夫進陞階正議勲資治尹官職如故二年丁巳冬丁內艱

服闋調南京兵部餘詳南京兵部

鄭堃詳尚書正統元年左

鄭辰字文樞浙江衢州府西安人永樂丙戌進士勅遣歸進學以大用丁外艱哀毀踰禮戊子服除觀政刑部鄉人有姓邵者坐事繫刑部以重貲託爲求免堅拒不納己丑拜監察御史惟以一力自隨居室之中蕭然無長物曰趙清獻吾師也辛卯安福民與人有怨誣以謀逆欲置之重典上命往察之具得誣狀而民以不寃己未秋諸番之人寓福建有暴悍殺人者事聞上意其叵測命往按之給衛卒五百備使令及至察無他坐首惡者而釋其餘丙申人有言南京報恩寺受役囚徒有怨

謗語。命往驗之。無實。由是得免者以萬計。谷庶人謀不軌。察實以聞。上語尚書方質曰。是可謂耳目臣矣。爾識其名。灤州人告官吏爲已。寧既逮治矣。復命往按得其實。多見宥免。上知其忠實。稱任使可。大用戊戌秋。超拜山西按察使。獄有姑誣婦忤逆者。察其實。誣奏出之。藩省有簠簋不飭者。糾治之。好惡予奪。必以公。不以情。庚子潞州盜發。有司以叛聞。詔遣大臣發兵往捕。適辰以事在京師。命亟還撫定之。辰曰。民豈敢叛。畏徭役而已。請毋發兵。遂深入山谷。開喻之。民見其來。皆感泣。願復爲良民。潞以無事辛丑。朝廷轉粟赴山海。以給軍。禮部侍郎蔚綬總之。山西民丁則統於辰。道遠民勞。不能無逋負。蔚下

令嚴督所司於山海貸錢償之辰曰山西民貧且悍急之則爲
獸竄姑緩之使自爲計卒不肯舉貸而所負亦漸完蔚雖怒辰
不如令然終以爲愛民癸卯丁內艱丙午當起復山西軍民感
其德乞還之山西從之戊申召爲南京工部右侍郎乙卯英
宗卽位勅遣之四川雲南貴州考察藩憲大臣而去其不職者
入服其公正統丙辰有建議於大名開河引其地諸水通衛河
辰以爲非便徒勞民力奏罷之戊午遷兵部左侍郎己未同豐
城侯李彬轉餉宣府大同而鎮守都督譚廣不聽劾奏之事以
辦集癸亥春持節冊封鄭王長子爲世子旣還得風疾命
太醫予善藥少差卽出視事疾復作醫不能愈乃告歸卒焉性

寬平重義輕利恤人之患忘人之過初取進士歸人勸其與兄弟分產業不取悉以讓兄弟人有貸其大父白金百兩不能償者憐其貧取故券焚之在山西時同僚有杜僉事者嘗與不協及卒爲治喪妻子以艱險不能歸辰適考績乃携至京師又爲之經營俾得還其處心之厚如此

虞祥字仲禎直隸蘇州府崑山縣人永樂辛卯領鄉薦授金華府學訓導陞上虞縣教諭宣德中以學行選擢禮科給事中爲人謹飭達大體不務攻訕末年進通政司左叅議敷奏詳明爲英宗所眷注正統八年戶部缺侍郎特擢右侍郎尋以例蘇松人不官戶部改兵部右侍郎九年奉勅巡畿甸荒政措置有方

十年卒於官

李蕢字茂實直隸蘇州府長洲人永樂乙未進士除兵部武選司主事歷員外郎郎中在武選司二十年有才幹精勤不怠受知於尚書方賓宣德十年陞太僕寺少卿正統六年靖遠伯王驥征麓川奏蕢爲佐俄丁父憂詔起復視事事竣陞工部右侍郎始乞持服十一年服闋以兵部尚書鄺埜薦改兵部右侍郎蕢勤敏有吏材習知兵事所在著聲與鄺埜同心戎務尤效勤勞十三年卒於官性沈厚不苟居鄉里未嘗以貴加人每出必步過里門上馬終其身如一日故蘇人多稱其厚德云于謙詳尚書正統十二年右

楊翥字仲舉直隸蘇州府吳縣人正統初薦舉與楊文貞在武昌因患難之交相友善薦之歷翰林院侍講爲人端方文貞一日新修廳事門成戒兒曹亟治具邀仲舉過飲曰門戶初闢必一君子先行因舉侍 郕王講讀五年陞郕府長史十四年景泰卽位陞兵部右侍郎不治事後加禮部尚書致仕

吳寧字永清直隸徽州府歙縣人以春秋領永樂庚子鄉薦乙巳許安人亦逝懼弗得吉地以襄大事哀傷不已夢有人指其處及遣術士視之果吉遂葬焉人以爲孝感所致宣德庚午中進士前列乙卯授行在兵部武庫司主事廉勤有爲聲稱籍甚正統戊午陝西涼州守臣以回回迭力等類雜處內地非便奏

送京師

上命馳驛傳送浙江沿海地方安插聽其貿易生理

寧言此類貧者居多若止許貿易而資糧弗給竊恐語言不通
水土不服未免失所有虧柔遠之仁 詔許可大者月給糧四
斗小半之遂以爲例乙丑遷職方郎中丁卯 命充副使持節
冊往楚府封通山王及妃周氏凡王府餽送悉却不受歸未幾
以瓦刺也先勢猖獗不可不預爲之備言於尚書鄭公埜以湖
廣南畿征進麓川凱還官軍撥充攢運以江東河南江北直隸
漕運官軍留京操練一旦有警易於調遣鄭是其言行之戊辰
福建沙盜起命都督劉聚率師征剿 勅往南京會同守備豐
城侯李彬等簡閱軍士付聚統領比至清出私占之數居多人

心稱快已已虜寇犯順 英廟親帥六師討之廊以寧老成練達留治部事寧乃奏令報効人王敬等五十餘人分撥留守左衛帶管操守仍督山東河南等處官軍整備火藥器械併力禦賊已而土木失利寧慮逆賊必犯順奏留山東河南都指揮官負仍乞遣近臣分行口北地方防衛及護守京城八月二十日陞本部右侍郎同于公謙盡心戎務九月賊入寇大同邊報甚急 景皇帝命于尚書謙總督諸軍禦之寧獨掌部事十月賊入紫荆關布列郊外 上命出都城與總兵議殺賊方畧卽詣德勝門外營會議比歸門弗啟賊騎充斥從者各驚散城外居民潰入城者塞路寧立露雨中移時衣盡濕賊退方入是時畿

內民庶朝夕相率南奔弗可遏總戎欲頒詔天下勤王寧不可
曰如此則人愈驚疑莫若具官軍勝賊本末移檄郡縣出榜撫
安庶可弭變因具奏行之賊既遠遁京畿奠安寧以勞傷成疾
明年景泰改元疾大作不能事事遂陳情乞歸田里優詔許之
既歸疾漸平復杜門謝客足跡不至城府建祠堂以奉祖考課
耕業以供賦稅訓子孫以圖報稱至舉觴盡情或吟咏以爲樂
待族姻故舊恩義兼至與鄉人處漠然無官貴勢自郡邑大夫
至閭巷之人靡不敬而愛之卒之日遠近赴吊門不能容亦可
以知其所存云

項文曜字應昌浙江嚴州府淳安縣人宣德八年癸丑登進士

觀政兵部尚書王驥奇其才俾修馬政復奉使西洋各以能稱授兵部主事未幾征麓寇及整飭遼東邊備皆効勞尋除本部職方司郎中正統十四年北狄犯邊車駕北狩時于謙爲兵部尚書喜其有幹局遂陞兵部右侍郎爲人機警善因事以成謙之美故謙多信任景泰二年吏部缺右侍郎欲用文選郎中李賢因嫌於陞本部與王直並又因謙薦文耀遂調吏部餘詳吏部

鄒幹字宗盛浙江餘杭縣人正統己未進士庚申初授兵部職方司主事歷陞署武選司員外郎己巳八月北虜犯邊英宗北狩京師戒嚴一時所需甲仗糧餉未有能任其劇者乃超遷

兵部右侍郎榦殫竭智力日供所事倉猝間發廩以給兵士或不俟奏報而行一日兵士擁東城門請給馬草適鄉民萬計避虜走城下叫號求開門守者難之榦曰草未得則廐馬不過瘦死爾城以衛民若無所衛焉用城爲且聞虜距城尚遠卽至近境門開無及而民皆死矣竟從其言獲濟及虜退明年改元景泰被勅獎諭辛未清軍職貼黃事竣改禮部累官禮部尚書詳禮部

俞綱字宗立浙江嘉興府嘉善縣人寓籍應天上元縣爲諸生改隸順天正統初舉楷書三年授中書舍人 郕王受封簡輔導 詔綱侍講歷審理正十四年 英廟北狩 郕王嗣位改

元景泰九月陞太僕寺卿十二月進兵部右侍郎直內閣元年
命侍經筵三月命出理部事二年轉左爲人和厚縝密無疾言
遽色雖戎務非其所諳以千少保謙掌握本兵天下特以安危
綱亦謹身率職稱爲長厚君子三年以易儲加太子少保美順
元年調南京戶部詳南京禮部

李賢字原德河南南陽府鄧州人宣德癸丑進士授吏部驗封
司主事歷文選司郎中景泰辛未北虜遣使求通好有詔絕之
令廷臣共議長策賢上言虜所以敢輕中國者恃其弓馬之強
而已中國長策惟有所謂戰車若衛青之武剛車可以禦之而
又有取勝之道則火鎗是也用得其法行可以退敵驅之出境

止可以衛民使得耕作然此策固善又在將士者何如夫人之
將士猶古將士而朝廷於將帥特彰剖封之典於士卒頻加
賞勞之恩待之厚矣然不能一爲國家復讐雪耻此忠臣義
士所以扼腕而不能寢也乞詔加獎諭仍飭中外將臣言采取
而行是歲冬以合廷薦陞兵部右侍郎壬申奉命察四川有
司之不職者癸酉還京轉戶部右侍郎詳內閣

王偉字士英湖廣長沙府攸縣人正統丙辰進士授兵部職方
司主事歷司員外郎職方司郎中在兵部有才幹見事敏

捷剴決不滯善炫風跡以獵名稱初薛文清在大理寺以守正
執法忤太監王振都御史王文希振意誣文清出入人罪應死

律會覆奏偉申抹之獲免歸田里累多黷之十四年在兵部備極勞瘁以勤敏著聞景泰元年陞工部右侍郎二年陞兵部右侍郎天順元年英宗復辟逮繫獄尋發原籍爲民

宋琰字廷珪浙江寧波府奉化縣人永樂乙未進士改庶吉士與修性理大全書十九年召至北京與修永樂大典成賜白

金文綺授中書舍人宣德元年遷禮部儀制司主事仍蒞事翰林五年給假歸未踰月驛召還京正統改元與修宣宗皇帝實錄是年丁父憂去服闋赴京轉吏部考功主事俾直內殿益慎乃職深見獎重九年遷河南布政司右叅政時汝陽歲旱苗稿蝗盛琰親往按視爲之惻然仰天嘆曰方今聖明仁浹海

寓而此土獨罹旱蝗之災豈非旬宜者政有乖繆而致凡有
咎宜集我躬毋苦斯民爲也言未既有驚數十羣蔽空而下食
蝗殃盡乃去大雨如注凡三日歲更以稔吏民仰德歌頌之景
泰四年轉太僕寺卿未幾遷兵部右侍郎兵機重務替畫居多
天順元年調南京兵部見南京兵部

郝璜字廷器河南汝寧府光州人正統壬戌進士授吏部驗封
司主事歷本司員外郎郎中天順元年陞兵部右侍郎時尚書
陳汝言專賄自恣又曹吉祥石亨等予奪不測未踰數月調南
兵歷南京工部左侍郎許南京工部

龔永吉字天民浙江金華府義烏人領永樂庚子鄉薦會試中

乙榜不就入太學行重六館宣德丙午夏四月授兵部職方主
事清慎有政聲秋八月扈 駕征樂安二年丁未春會試掌卷
戊申司内外武官 詔勅謄黃事竣 賜布絹楮幣有差五年
冬十一月有湖廣調軍之役檄往治帖然服衆兵部尚書王驥
極口稱賞六年辛亥承重守制起復正統改元丙辰陞武選郎
中秋九月被誣謫戍平涼人皆抱不平吉處之裕如二年丁巳
春二月鞫虜犯邊兵部尚書王公驥薦其可用 詔驛騎取之
時副總兵都督趙安兵部侍郎柴車奉 命將兵出涼州而以
永吉爲佐軍行過海子赤林渡流沙抵鐵門關逐北戰捷執敵
而還其籌策居多九年甲子 詔靖遠伯王公驥討麓川緬

甸西巡延綏寧夏莊涼甘肅等處而以永吉爲佐其所歷
險易關隘無不周知且便宜行事其才益著知勇之士見之莫
不讓服十四年己巳夏五月詔靖遠伯將兵往麓川緬甸孟
養等處征剿苗蠻經畫一委於永吉運籌決勝叅贊惟勤用是
負固不服者莫不望風降附班師還京論功擢大理寺少卿天
順改元春三月陞兵部右侍郎是年六月徙南京禮部秋八月
調南京大理寺卿餘詳南京禮部

王復詳尚書天順元年右三年左

白圭詳尚書天順三年右

韓雍字永熙直隸蘇州府長洲人正統壬戌進士擢湖廣道御

史歷僉都御史巡撫大同在鎮繕城堡練軍士糾貪蠹清軍餉
天順七年還議事陞兵部右侍郎方經理戎務有忌之者適
英廟上賓因事出爲浙江右叅政歷總督兩廣右都御史詳兩廣
總督

程信見尚書成化元年右尋左

李震字用初順天府宛平縣人禮部左侍郎嘉之子也正統丙
辰進士擢兵科給事中歷兵科右給事中景泰三年陞南京通
政使用左叅議累官南京兵部右侍郎成化二年改兵部三年
轉左十二年卒於官

陳宜字公宜江西吉安府泰和縣人正統辛酉鄉薦明年壬戌

會試中式、廷試賜二甲第一名擢工科給事中嘗建
春冗費以千計遂著爲令久之進本科都給事中謹厚有德務
愛惜人才不尚攻擊景泰中陞應天府丞益務省費愛民屬邑
無敢以橫歛逞者天順四年遷雲南左布政使問民瘼清吏弊
於丹鉛寶石珍玩之類下禁有司不許誅求滇人甚安之成化
元年陞都察院右副都御史巡撫貴州地方撫以至誠蠻苗莫
不感格有負固不服者移兵剿之屢著奇績值四川山都掌蠻
據大壩山三年朝廷命兵部尚書程信總督川貴軍務與襄
城伯李瑾統番漢兵討之徵宜協征四路兵進賊不能支連破
二十餘寨而都掌悉平總督上其功遷兵部右侍郎與尚書曰

主經理戎務又性簡易不務多事與主相契故在部六年始終無間言人多其厚德云八年丁憂卒於家

滕昭字自明河南汝州人正統辛酉鄉舉授御史時四川都司有謀殺人獄累結不決命昭往讞之服辜天順五年擢左僉都御史八年出撫遼東成化二年陞右副都御史出總督漕運恣勢下賢官庶服其威量所部連歲大饑加意賑貸全活者數十萬又奏准爪淮水次兌運官軍俱過江就各水次兌運六年命巡視福建時上杭清流之地曰紫雲臺邵茂七之黨脅據陰爲亂昭乃相其要害立歸化縣以蒞之尋奉勅總督哈

巡撫應天時上海官貪黷甚昭徑按之悉置諸法列郡司

震悚減秋糧加耗益漕運費甚得軍民心松蘇諸處有馬馱沙最繁盛而寄治江陰民苦往返昭復奏分靖江縣民兩便之八年遷兵部右侍郎轉左以致仕歸

馬文升詳尚書成化十一年右十三年左

張鵬詳尚書成化十三年右十五年左

李敏字公勉河南襄城縣人景泰甲戌進士擢監察御史歷右副都御史巡撫大同地方成化十五年陞兵部右侍郎初與尚書余子俊各以身許國知無不言言無不從未幾余丁憂陳鉞以附太監汪直驟陞代余貪功啟釁納賄如市又氣焰薰炙可畏敏與左侍郎張鵬各以正自律並無跛倚十九年以疾回籍

後起總漕累官戶部尚書詳戶部

俞欽字振恭浙江紹興府新昌縣人景泰庚午年二十補邑庠
應浙江鄉試中式辛未會試上第廷對賜進士出身選入翰林
爲庶吉士日讀中秘閣內書學益大進癸酉授禮部儀制司
主事儀制司事繁欽才瞻學充通悉今古事無留滯天順戊寅
遷郎中壬午以郎中績最當加封其父於時祖尚在堂疏乞移
封上嘉之特賜其祖冠帶欽秩方五品而褒及寔曠世殊典
癸未會試天下士試院火執事者例降謫坐左遷同知松江府
人以爲省曹高秩恐不屑民事欽益更盡力蒞任未久民頌而
懷之用申憲宗卽位詔書徵還改兵部武選司郎中乙酉成

化改元時北虜犯邊師出偏頭鴈門諸關奉勅紀功虜退而還丁亥川貴山都掌蠻及九姓土獠爲寇從大司馬程公信往征之議者皆以爲戎蠻僻遠恐無功不如姑羈縻之欽獨等其可克且曰不一振威無以杜後患况上命亦安可中廢程用其議率衆決進連破二十餘寨斬獲無算蠻寇悉平丁亥師還陞太常寺少卿太常所隸神樂觀道流托權貴濫進因奏定其額壬辰歲旱奉命禱祀淮瀆之神還擢禮部右侍郎朝章故典素所諳習凡國家大禮事處之井井有條乙未陞左侍郎賜誥進階通議大夫丁酉以父疾乞歸省居數月父疾愈還京戊戌皇太子出閣加冠詔有司議定禮儀乃叅酌備具朝

廷采行之有白金文綺之賜是歲進階正議大夫資治尹庚子
遭父憂去職 詔賜葬祭壬寅冬服未闋詔起兵部左侍郎欽
待制終乃就任時西北邊報甚急師劄大同虜騎益猖獗羽檄
旁午欽以持重鎮物凡敷奏區畫多出其手隨機酬應動中事
宜物情遂安甲辰九載秩滿 詔進食正一品俸未幾疾作人
勸之少自將理欽曰死生命也吾荷 國重任茲邊事方殷吾
寧能自安益勵不忽用是疾遂革不起年五十四所作詩文奏
議凡若干卷藏於家名曰思庵稿

阮勤字必成交趾多翼縣人附籍順天景泰甲戌進士授大理
寺評事歷山東左布政使累陞右副都御史巡撫陝西地方十

九年陞兵部右侍郎二十一年轉左在部無所建明與吏部尚書尹旻相知故不次擢陞及二十二年尹去調南京刑部左侍郎餘詳南京刑部

何琮字文璧浙江杭州府仁和縣人知府頴之子也景泰甲戌進士改庶吉士選讀書中秘預修寰宇通志書成賜白金綵幣遂除禮科給事中遇事侃侃敢言凡百司土章奏當叅駁者衆相視莫知所措辭琮注以一二語輒中要領人無異言尤善敷奏每對仗彈劾音吐清亮上注意焉適滿刺加國請封以次當爲正使所司以名聞上顧左右曰茲面黃白而善敷奏者邪胡爲遣之乃內批改他給事中同列有忌之者他日有彈

不以屬之。上曰今日彈文胡不令何某讀之且傳。旨今後必以命焉衆方知。上有意於琮也嘗以學校士習所係上章請嚴學政精汰太學生昏老者士之卑陋者不樂遂於太學題名碑毀其名肆爲謗訕然琮持身嚴掇拾無所得又乃帖服適通政缺負以善數奏特陞右叅議成化五年轉左歲辛卯丁母憂復陞左通政時猶家居也特召起之琮諳練事體且恪勤匪懈十七年陞通政使時昌黎張公文質爲之長得裨贊爲多張旣滿歷陞侍郎尚書仍掌司事故琮在任最久張遷理部事始得專任焉前此規矩廢弛甚積弊頗多一蒞之以嚴不數月間法立弊除然亦以此得謗歲乙巳陞兵部右侍郎時尚書缺

導理部政遇事詳慎凡有施行必問其屬曰舊比如何必按故
典而折衷以時宜故事無留滯乖舛者未幾轉左尚書余公子
俊馮公文升相繼來爲之長皆輔以誠心正道不立異而掠美
仁公亦推誠共事無有間言 孝宗卽位之二年通前任歷三
考當遷尚書兩京無缺負特加二品俸而仍其舊職僅閱月而
卒年六十二性直諒而尤嫉惡見事有不平者輒爲之忿疾若
在已然者居官清介一毫不妄取與門無雜賓立朝幾四十年
勤慎如一日尤留心世務事未至而預爲之遠圖恒切切然以
懷隱憂若旦夕間者於書無所不讀而尤究心於易有事輒稽
於卜而篤信不疑不爲無益之文公餘歸私宅縱步花逕間口

不絕吟詠詩成未嘗以示人手自錄有恒庵稿又嘗以西湖爲杭州之眉目昔人導之以資灌溉近爲居民占據以爲田圃恐其久而愈湮塞也旣言之當道聞於朝而疏浚之又著西湖圖說以示後人其於醫道有所得辨症處方出人意表專其業者亦或推以爲不及云

尹直字正言江西吉安府泰和縣人景泰甲戌進士改庶吉士累官南京禮部左侍郎成化二十二年改兵部左侍郎會貴州守臣奏叛苗勢甚猖獗宜合兵剿之直言此必貪功生事者冀有所指取苗勢未必然也力贊大司馬馬公請遣郎吏御史往勘卒以撫定是年九月改戶部左侍郎兼翰林院學士入內

閣叅與機務詳內閣

侯璣字奉章直隸保定府雄縣人景泰甲戌進士授戶部主事歷都察院右僉都御史巡撫甘肅地方二十二年陞兵部右侍郎在部未踰月調南京禮部右侍郎累官南京兵部尚書詳南京兵部

呂震字天章直隸保定府安州人舉順天府鄉薦試禮部輒弗利成化初選爲監察御史僅踰年會朝廷有事於東夷從左都御史李公秉往紀功還擢南京通政司右叅議未幾以內艱去十三年服闋改南京光祿寺少卿十五年召入爲太僕寺少卿馬政修舉十九年薦爲都察院右僉都御史巡撫延綏有虜

警衆議未決。雯曰：虜旣深入，宜堅壁待之。彼無所獲，必困而歸。歸則以勁兵邀其後，可以得志。果如其言。事聞，有白金文綺之賚。旣乃築邊牆三百餘里，虜不得近人。恃以安。山陝饑，榆林獨熟，民流集者甚衆。雯慮其生變，縱令出境，必饑而死，欲招寇無米可恃。後竟得無他所活，不可勝計。邊人至今能道之久之。徼外益無事。於是二十二年，有兵部右侍郎之擢。弘治三年，遷左侍郎。時天下無警，曹務外無以自見。屢有建白，皆下有司比持節封宗藩。清稽武誥名籍，皆其餘事也。其爲人樂易可親，遇事不窘交。朋友待鄉黨，皆從厚。是以人賢之。卒於弘治甲寅五月。

月九日年六十六

張海字文淵山東濟南府德州人成化丙戌進士擢給事中轉左進兵科都給事中陞順天府丞忤中貴出知鶴慶府以太宰尹旻薦陞太僕寺卿二十二年以尹旻累罷歸弘治三年從人望起兵部右侍郎七年轉左侍郎命經畧土魯番六年復虜陝巴及金印以去報至適阿黑麻先所遣頭目寫亦滿速兒等四十餘人入貢至京師上遂命海同侯謙往經畧之海等至甘肅遣使齎勅諭阿黑麻順天道歸陝巴又不報海等上言遠夷不可加兵來則撫之叛則拒絕之而已遂得命修嘉峪關捕通阿黑麻黠詐回夷二十餘人奏發戍廣西海等還上以其無成功下之獄降海山西叅政謙任俸閑任寫亦滿速兒等四十

人皆安置廣西閉嘉峪關絕不與通海尋乞致仕

李介字守貞改字守正山東萊州府高密縣人成化改元領山東鄉貢五年己丑登張昇榜進士被選入翰林爲庶吉士文學敏瞻擢四川道監察御史改河南道出按浙江鹽課力除宿弊有不便者欲伺其隙中之無所得還掌道事凡中外官考覈殿最務持公議都御史以爲可大用諸道奏牘必令可否乃上每率諸御史論事或有所觸忤未嘗少挫嘗予告家居及秩滿以久次超擢爲大理右寺丞陞右少卿孝宗登極命代祀東嶽諸神還遷左少卿陞都察院左僉都御史巡撫宣府閱兵馬畜芻粟邊圉以寧未幾召還佐理院事其所論建必先大體不

苛刻而律身無玷譽望日益隆會母栗太淑人喪歸服將闋院
佐復缺朝廷留而俟之暨復任陞兵部右侍郎尋遷左侍郎
夙夜勤勵屬有疾暫已卽出治事比歲宣府大同有虜警特
命兼左僉都御史經畧之時已遣中官武臣練京兵待報而發論
者謂宜用文臣往遂以督軍事付介介大病新愈卽上道至則
虜已退悉心邊務徧歷營堡策勵將士鎮兵匿後者勾稽得萬
二千人又募丁壯萬五千人訓以待用大同屯田歲給牛具銀
若干兩實不爲官用而邊兵償死馬常苦擄掠乃請以給之人
甚便將領有弗任者易置之又念大同境外有廢墻謂修復爲
禦侮計所上議前後不絕事未盡行而疾甚卒於宣府弘治十

一年正月二日也守臣給驛歸其喪上聞訃悼惜贈尚書

遣禮官諭祭命有司治葬事云介修翬美儀言動雅飭居官清慎
遇事必審而後發條分理析舉無廢隆在北邊尤詳密雖隆寒
猶夜草奏牘手爲皸裂其事親孝敬遇諸弟甚友愛範簡皆舉
於鄉與人交信厚可質拯灾卹困亦其所樂爲者故沒而人思
之沒年五十有四子良亦舉進士爲兵部侍郎

王宗彝名倫直隸保定府東鹿縣人以字宗彝行舉成化丙戌
進士授戶部主事歷郎中督遼餉機警巧宦善附權豎十五年
守臣陳鉞附太監汪直襲殺建州夷宗彝以督餉陞太僕寺少
卿尋改右僉都御史鎮遼東十八年言官交劾直等宗彝以首

相萬安曲庇降四川左叅議弘治元年陞河南右叅政四年陞
河南右布政使本年陞都察院右副都御史巡撫陝西地方在
關中無所建明八年陞兵部右侍郎十一年轉左十三年陞都
察院右都御史協理院事時左都戴珊以碩望在臺風紀振肅
宗葵仲承休美無所牴牾十五年陞南京禮部尚書詳南禮部
楊謚字文寧河南開封府儀封人成化乙酉中河南鄉試已仕
取進士除知崑山縣明敏有爲廢墜修舉十一年以政績徵擢
浙江道監察御史有風裁十八年丁憂二十一年起復補山東
道弘治元年陞太僕寺少卿本年陞大理寺右少卿三年陞都
察院右僉都御史巡撫宣府地方蒞政勤慎嚴以繩下於是復

屯種之制革馬政之弊所著有師律提綱馬政條約邊人賴之
七年回院管事九年陞都察院右副都御史管院事十一年陞
兵部右侍郎十三年卒於官

熊翀字騰霄河南汝寧府光州人成化己丑進士授武進知縣
有政澤及人以薦擢監察御史嘗捧勅巡按江西風裁凜然
時寧藩親毛氏者橫於鄉翀以微服至其家伺之盡得其罪狀
乃密獲及其黨惡者數百人悉寘於法於是豪右屏息累官都
察院右僉都御史巡撫山東地方弘治十年陞右副都御史改
撫陝西十三年陞工部左侍郎本年陞兵部左侍郎十八年陞
南京戶部尚書翀性剛介嚴毅不敢干以私所著有止菴集詳

南京戶部

熊繡字汝明成化丙戌登進士丁亥除行人奉使楚府及巡
禁四川茶課一切饋遺不受士論多之辛卯除貴州道監察御
史立朝審講有器識凡百論議務持大體畧苛細奉勅巡
河風聲丕振一日過廣平寒甚借守裘後還之守以鄉里故新
製一裘遺之竟却不受乙未巡按陝西發姦摘伏無所假借由
是貪夫斂跡十一年右布政使于璠賊跡敗露棄官夜遁遣人
追之急璠遂遣子誣繡逮至京卒無驗璠落職繡謫知清豐縣
陝民訴冤於朝者數百人有熊繡再來天有眼于璠不去地
無皮之語在縣殫心民瘼不事逢迎均徭薄歛立衆輕歲給之

法常單騎循行鄉社等第其民戶高下凡貧而老死無依者悉爲之殯葬一縣化之二十一年乙巳陝西大祲遷守鳳翔行之日民遮留痛哭如失父母六月履任三日而雨是歲遂登郡大治先是繡巡按辯一疑獄其家繪像報祀聞至持以見遣之弘治庚戌陞山東布政使司左叅政癸丑轉本司右布政使甲寅陞都察院右副都御史巡撫延綏地方益心邊務威名大著虜人不敢犯邊者久之丁巳滿三年考得貤封三代丁母憂庚申起復陞兵部右侍郎甲子轉左性剛方清介與人寡合而人亦未嘗敢以私干大司馬劉大夏甚器重之凡邊情重務必與商確而後行嘗奉 命清騰驤四衛勇士得其虛冒糧餉者幾萬

人由是權貴皆嚙之時 孝宗勵精圖治召二三大臣商治理
劉大夏洎左都御史戴珊允被親近而繡與焉未幾 孝宗上
賓衆嫉之因舉爲右都御史出撫兩廣蓋遠之也詳南京右都
閻仲宇詳本部尚書弘治十八年任右侍郎正德元年轉左
馬中錫字天祿直隸河間府故城人早慧三歲識字七歲能賦
詩父處州爲 唐府長史以直諫忤王械送京師姚淑人而次
皆下之獄中錫以幼免訢辯如成人能感動部使者請王曉譬
家得釋復依母趨京訟屈事卒得白年十六游邑庠成化甲午
舉鄉試第一明年乙未中進士丙申拜刑科給事中時 憲廟
萬貴妃之弟恃寵驕恣上疏其奸語過直被杖幾危再疏再杖

不爲沮悔公主侵畿郡民田被命往覈以其田還民中官汪直
梁方怙勢橫甚又劾其不法數事直嗾邏卒日訶其門竟無可
摘然久不得遷也旣滿考僅陞雲南按察司僉事尋丁外艱服
闋改陝西督餉延綏革分司沿舊私用之銀三百餘兩弘治己
酉改提學尋陞副使嚴條約愼章程士習以振壬子陞大理寺
右少卿留都守備中官蔣琮屢興大獄中善類遭官廉問至再
俱爲所制中錫不事刑威第以言誘致其黨抵琮於法乙卯陞
左少詹奉 命閱實居庸紫荆倒馬諸關事竣有羊酒寶鑑之
賜丙辰陞右副都御史巡撫宣府自鎮守以下私役頗多首革行
臺雜匠百餘以倡之軍伍復實數總兵馬某及監倉叅將之計

三人相繼罷去又以居庸爲南北襟喉榆林大同諸鎮貿遷餽
遺往來雜沓請於巡撫行臺給掛號以防奸宄在鎮二年嚴禁
例杜請託凡芻糧工匠馬匹之利舊爲勢家所擅者悉歸之官
乙未二月北虜擾邊督兵斬獲甚衆捷奏 賜白金文幣三月
以疾得請邊人叩闕願留 詔待其病痊亟用之居家七年若
將終身焉而廷臣論薦不已前後凡十有三疏乙丑起巡撫遼
東諸勢家舊占屯田之便利者至數百頃且歲役官兵代耕屯
卒所受虛張冊籍實皆磽瘠之地又代爲勢家輸稅遼人苦焉
上疏取勢家所占便利田給卒而其虛籍盡除之太監朱某開
客肆擅馬市武職効之肆爲侵牟亦各有錢行魚戶識字頭目

諸稱謂悉裁以法且疏朱之姦抵其左右以罪人大懾服正德
丙寅六月 召還陞兵部右侍郎未幾轉左逆瑾方用事有朱
羸者其腹心也冒邊功丐陞牽連數千百人脅兵部爲之覈請
大司馬既許之矣中錫曰如冗員日增邊人解體何哉卒據實
上請事得已而瑾銜之十二月矯詔改南京工部左侍郎尋罷
其官屢官都察院左都御史詳都察院

曹元見本部尚書正德二年任右尋轉左侍郎

韓重字

山西平陽府絳州人成化戊戌進士授禮科給事

中二十二年陞禮科都給事中弘治三年陞陝西右叅政九年
陞陝西右布政使十一年陞應天府尹十二年丁憂十四年補

順天府尹本年陞都察院左副都御史巡撫遼東十五年改撫湖廣地方十八年陞南京兵部右侍郎正德二年改兵部右侍郎本年陞南京工部尚書詳南京工部

文貴字

湖廣長沙府湘鄉縣人遼東廣寧左屯衛軍籍成

化乙未進士任御史累官布政弘治十七年陞都察院左副都御史巡撫延綏地方貴不達大體在鎮久後因災傷於中鹽商人擅改本色爲折色軍用大窘有米珠芻桂之謠正德二年陞兵部右侍郎三年命兼僉都御史提督宣大軍務詳宣大總督劉纓字與清直隸蘇州衛籍成化戊戌進士第明年出知武陵視縣事若素習然居二年入爲河南道監察御史弘治戊申出

按福建辛亥出按廣東癸丑還朝丙辰擢太僕寺少卿越五年庚申進都察院右僉都御史巡撫四川兼理松藩軍務在蜀甫一年屬子傲夭死悲傷感疾亟乞歸詔予告越四年乙丑御史龔元言其練蜀事吏部卽奏起之得再鎮蜀正德丁卯八月復奉命巡撫湖廣戊辰陞南京大理寺卿尋召入爲兵部右侍郎崇明盜起權募民應敵所司請如官軍月廩之纓曰往年有借關隴民兵討峒蠻而給月廩者其後竟隸尺籍人方恨之茲可踵其弊邪事遂寢越二年庚午陞南京刑部尚書詳南京刑部

才寬字汝栗直隸永平府遷安縣人成化戊戌進士坦濶曠達

不較小節喜建功名初任西安知府惠民禮下晝則按訟牘夜則飲宴遇事裁決如流皆談笑應之有民失金於食店急白寬寬仰見鷹飛又有蜘蛛墜案曰店中必有姓朱名英者得其金詰得其人果出金以給失者至今民謠曰才寬斷朱英及去民慕之後正德二年以副都御史巡撫甘肅地方自許襄毅經畧哈密以後號稱無事及正德初曹元繼之結黨逆瑾偷處恬逸無復宿謀於是奸孽漸萌寬任情裁決綜理未周三年改撫陝西磊落如治郡時條彙粗立尋遷刑部左侍郎未任復改兵部四年陞工部尚書詳三邊總督

胡汝礪詳本部尚書正德四年任左侍郎

王敞詳本部尚書正德五年任左侍郎

陸完詳本部尚書正德五年任右侍郎本年轉左

陳震字文靜陝西慶陽府衛人成化丁未進士弘治元年擢監察御史十年陞山西副使十五年陞本按察使屢任素無善狀正德元年坐罪謫兩淮運司同知尋轉長蘆運使本年致仕四年以附逆瑾矯旨起光祿寺卿本年改提督四夷館太常寺卿五年陞戶部右侍郎與逆瑾相爲表裏瑾亦倚之爲腹心會寧夏寘鐫叛衆議推楊一清爲總督軍務瑾屈於公論不得已從之然度一清必辭矯奏差震改兵部右侍郎兼僉都御史先往討寘鐫暫行總制事待一清至交代卽回實托震彌縫其失冀

其成功將柄用之會總兵曹雄擒賊仍命一清同太監張永撫靖地方震將寘鐔眷屬并何錦輩俱械送北行欲以獻俘爲功尋以附瑾劾爲民詳三邊總督

李浩字師孟山西平陽府曲沃縣人成化甲辰進士第初授都水主事管呂梁洪故有役夫數千辦椿草銀錢歲若干緡浩至悉罷之止令於農隙採辦備用而已改戶部主事丁父憂服闋改兵部車駕主事陞員外郎奉勅清理畿內諸王田奪豪右侵占者還之民陞職方郎中爲尚書鈞陽馬公所稱重委攝諸司章奏陞通政司右叅議轉左叅議持節充正使封晉府雲丘王歷左右通政正德三年陞順天府尹時久旱疏論畿甸民所

疾苦事當罷行者 詔嘉納之逆瑾擅政無名需求甚急一切
裁抑數面議可否侃侃不阿沮瑾乃日使偵其過失然竟無所
得也居二年改通政司使轉兵部右侍郎尋轉左兼理武職貼
黃嘗攝工部篆修朝陽門城垣通州新城咸督其工乃疏慎郊
圻固封守革冗費修戰具數事多見採納以山東盜平陞俸一
級賜白金綵幣丁繼母許淑人喪 賜祭葬馳驛以歸詳通政
使司

右玠字邦秀直隸真定府藁城縣人成化癸卯以易魁順天鄉
薦丁未同弟少保文隱公珩舉進士授汜水縣知縣有惠政弘
治癸丑召爲河南道監察御史丁卯奉 勅覈大同邊儲丙辰

按甘肅辛酉復按陝西邊務興革悉中機宜監臨鄉試號得人
乙丑推綜三法司事左都御史浮梁戴公珊素知之事無巨細
委推理丙寅陞山西按察司副使督學政教人以修德行務經
學爲本己巳陞本司按察使庚午陞右布政使尋轉左辛未陞
都察院右副都御史巡撫大同玠久歷邊陲習諳戎務量才任
使皆得其宜間有違法者裁以大體不爲深文小苛故人爭盡
力邊境用寧未幾入爲兵部右侍郎時遼東諸夷不靖命以左
侍郎兼右僉都御史往諭之玠宣布威德卽相率歸服使還詔
廕一子爲國子生仍加俸一級癸酉陞右都御史乙亥陞戶部
尚書詳戶部

李貢字惟正蕪湖人貢生穎異兒時隨父宦諸暨儒庠與兄浙江左布政使贊淬礪學業有時譽成化庚子兄弟同領鄉薦甲辰同舉進士時人以爲美談初官戶部主事督餉清江口系倉之壞垣固而不費尋陞員外郎下母蕭淑人憂服闋改刑部累陞郎中讞獄明愼爲侍郎盱眙陳公道所知時孝宗銳意圖治命京堂官各舉其屬堪任方面者陳公以貢應詔陞山東按察副使清理戎籍檢覈屯田皆有法及巡遼陽哀蘭英之死節表張天祥之忠義樹碑墓道以勵風俗正德改元陞福建按察使踰年陞陝西右布政使摘奸息訟所至有聲踰年轉山西左布政使以郡邑靡費無經立民膏簿俾主者紀之以備稽核

四年陞都察院右副都御史巡撫遼陽錦義二城以逆瑾併奪屯地將謀爲亂貢往撫之邊境乃安虜酋久爲患乃諭令入貢有白金矛衣之 賜時逆瑾用事其黨怙勢恣橫貢與忤遂致仕北瑾敗 詔復起巡撫順天時霸州賊起郡邑震動奏設兵備憲臣繕城賑饑以安人心霸恃以無患賊黨有陰事關節者每兵出輒相傳報功不可成及廉得其魁械京師寘之於法賊計沮乃敗通州舊城卑隘時有水厄貢念國儲所在奏增修之費甚而民不知擾古北口當賊衝又遇潦起輒不可守度隙地索百餘丈患乃息凡巡歷所及輒完城堡卹士卒節財費拓地利黜貪暴鋤強梗皆有功德於民故旣去而民多思之三年考

績請老 上慰留之有才識練達之褒癸酉陞兵部右侍郎請益切乃許致仕既歸杜門以詩文自娛雖達官貴人造訪未嘗詣門謝之年六十一性孝友家居不易言笑服御質素訓子弟嚴而有禮爲文章平實典則如其爲人而詩尤有興致人多傳誦之所著舫齋集若干卷藏於家

王璟字廷采山東兗州府沂州人成化壬辰進士正德六年任右僉都御史巡撫山西本年陞右副都御史協理院事八年陞兵部右侍郎本年改吏部九年轉左詳都察院

陳玉字德卿山東沂州衛籍直隸高郵州人弘治癸丑進士授御史歷都察院右僉都御史正德八年陞兵部右侍郎九年轉

左十四年陞南京都察院左都御史掌院事詳南京都察院

黃珂字

四川潼川州遂寧縣人成化甲辰進士授龍陽知

縣弘治六年擢陝西道御史歷巡撫延綏右僉都御史正德六年陞戶部右侍郎七年改刑部本年陞左九年陞兵部左侍郎本年六月陞南院右都御史十年九月陞南京工部尚書十四年致仕詳南京工部

鳳字

直隸保定府蠡縣人成化丁未進士弘治十八年

任南京鴻臚寺卿正德五年陞應天府尹本年陞總督糧儲都察院右副都御史七年改通政使九年陞兵部右侍郎十二年兼僉都總督宣大詳宣大總督

王憲詳尚書正德十二年右十四等左

馮清字

順天府宛平縣人弘治癸丑進士歷右僉都御史

巡撫寧夏九年陞戶部右侍郎兼左僉都督陝西糧餉奏改本色爲折色至有米珠草桂之譴邊用大窘十年改巡撫陝西十一年陞刑部右侍郎十三年陞兵部左侍郎兼左僉都御史總督宣大

楊廷儀字

四川成都府新都縣人弘治己未進士大學士

廷和弟有文名任兵部職方司郎中尚書劉宇利其文學圖結廷和凡章奏皆令廷儀草之正德二年宇主議武舉欲因以自顯遂令廷儀具草依倣唐之增置宋之詳定事叅酌文舉少加

慎益 上准行之至今本年改吏部考功司郎中四年轉文選
五年陞太僕寺少卿七年陞提督四夷館太常寺少卿九年太
僕寺卿十年陞太常寺卿丁憂十三年陞工部右侍郎提督山
廠十五年改兵部右十六年陞兵部左侍郎嘉靖二年致仕
吳廷舉字獻臣湖廣嘉魚縣人成化丁未進士授廣東順德知
縣潔已如水減賦息訟撫院欲爲權璫修家廟荅以非奉舊例
新恩一夫不敢役分金不敢用市舶太監給銀買葛卽用之買
二疋進曰不中意請還金御史汪宗器惡之以生盜毀扁事令
盜誣之盜曰死分也不敢誣廉令又以壞祠修學事苛按之廷
舉囚服日詣分析御史慚釋之弘治丙辰遷成都同知丁憂起

補松江上疏請軍政二事廣東盜起馬端肅劉忠宣薦陞兵備僉事征十三村池水諸洞平之正德己巳逆瑾令括各省庫藏廷舉拒之瑾銜甚又劾鎮守潘忠二十罪及疏便宜事忠亦誣劾廷舉鞠之無狀止以枉道械首吏部以天官張綏救謫戍五年謹誅起雲南副使陞江西叅政討姚源賊用奇平之疏立萬年縣晉廣東右布政使立番舶進貢交易之法定均平驛遞之役弊更患除嶺西猺獞作亂命兼兵備副使經畧十二年命以右副都御史賑濟湖南勅勘永順保靖兩江口夷情堅相約束條奏又命往湖廣定諸夷地界又疏六事陰備宸濠之變當道不用濠嘗遣使遺天官陸完金簡令急易巡撫係燧曰某某俱

可切勿令吳廷舉來邏者獲之十六年召爲兵部右侍郎上疏
犯輔臣改南京工部尚書

李鉞河南祥符人弘治丙辰進士正德十六年右嘉靖二年左
詳本部尚書

李昆字介子山東高密人弘治庚戌進士正德十六年任右侍
郎嘉靖二年進左侍郎

姚鏌浙江慈谿人弘治癸丑進士嘉靖二年添註右侍郎四年
總督兩廣歷總督二邊兵部尚書兼左都御史

鄭岳字汝華福建興化府莆田縣人幼穎慧讀書數過卽成誦
屬對多新語長爲文士多式之從學士黃公瀾游盛有所稱異

年二十二領鄉薦弘治癸丑登進士觀政兵部馬端肅公甚重之甲寅授戶部貴州司主事督京通倉糧倉故多贏羨公一無所取監倉中貴張某者橫不可馭輒痛裁之幾爲中害秩滿蒙恩命贈封考妣請告歸葬家食二年畧不問戶外事林公俊異之與爲忘年友己未起爲刑部山東司主事與錦衣千戶張福同監市囚福恃勢踰坐公論之語涉中貴逮繫詔獄侍郎許進爲疏雪得微譴轉浙江司員外郎看詳章奏時許公督師大同以剛方忤貴近議代之而廢閑總兵趙泉寅緣起用京軍屢出重擾無功岳上疏言進不可代累不可用京軍不可出朝論是之辛酉陞湖廣僉事所至以學校倉廩平反冤獄爲先澧州李

姓窩殺盜牛有盜入寡婦家婦覺盜以寡竟掠牛去李氏婦跡
之告官盜誣李兄弟同劫岳取盜別訊之獲實李兄弟俱減死
王嫗子與二姪同盜事敗獨配嫗索二姪資急二姪誘殺之野
反誣嫗女并婦與所私謀殺岳得其同盜故曰賊在姪矣果發
所謀殺狀施州民夷雜處忿輒相殺衛帥以亂請兵巡撫韓公
令往視曰民愚習閭無他擒首事數人餘諭遣之士官盜印相
訐奏公廉其黠者寘之法追出偽印八顆其俗多縛賣客民岳
追出男婦百餘人小官力不能歸者俱資遣之遷衛學葺城樓
閱軍實及還施人泣送境上繼巡九谿巡永定皆邊衛俗獷一
糾以法刑岳饑勸粟出賑湖泊諸利聽民採取屬縣糧當輸遠

衛者率二石致一石岳以銀給軍以米備賑乃倍得米全活甚衆宗藩侵民田奏勘頻年不決岳奪還之民常德守紀經綸刑貨贖濫捕寘用事於理守解印綬去撫按薦堪督學南道會薦方面岳與焉正德元年擢廣西兵備副使征里松洞奏捷及撫諭土官岑猛俱受褒賜築廣運足灘昭平三堡爲府江巨鎮改廣東副使滯獄一空遷江西按察使時逆濠橫恣虐害軍民岳鋤強振廢每事執法沮之又見岳詩云十雨五風調燮地春來花鳥不知功益忌之饒撫姚源兵事旁午上功務獲亂獄茲豐岳披星流汗決獄無遺有守隘官捕十四人於禁死者已四人岳取問垂斃脛目訢曰我輩商於河南非盜解裝視之皆河

南物釋之爲之醫療飲食皆得活陞江西右布政使通政使丁
公鳳以岳應 詔蓋異舉也尋轉本司左布政使公稽宿弊行
軍餉賞取卒具岳率應之宸濠奪民田以億萬計民立寨拒守
濠諷總制剿以兵三司無敢言者岳曰是皆良民不得已爲自
全計耳何可兵濠聞之太恨以提學李夢陽有文名慕之因交
驩會夢陽與巡按江萬實相計奏行都御史陳金委三司掌印
官會勘岳欲平其理而夢陽務求勝憾岳言不合通宸濠遂執
岳門子拷掠逼供無名賊私數多奏下鎮巡勘報所委布政黃
瓚僉事李震畏濠噤不敢發一語連引官吏及干証人濠令校
卒夾持合誣收猾胥入府令具獄狀稿成濠改定書完送司用

印二勘官唯唯署押而已濠遣軍校圍守解舍家人擒捕殆盡
人心憤惋臺省王爌羅鳳交疏其枉巡撫任漢自幼及幼御史
李伸會勘不公 朝差大理卿燕忠給事中黎奭勘問就廣信
置對忠出京權倖以意授燕濠又布置左右於行署所連證悉
質其妻子衆向岳曰王府務欲立威公事白我輩無唯類公禍
亦叵測岳籍曰去官禍輕因自誣坐是爲民憂陽以借威逞私
附勢誣善士論不齒閑任十四年六月濠反守備楊銳都御史
吳廷舉御史熊相唐龍等尚書喬宇各論薦復除四川以服未
闋辭不赴十六年九月起巡撫江西都察院右副都御史以水
災奏減民賦二十萬築江岸省兵快清滯獄辨功罪祠忠節嘉

靖元年召爲大理寺卿二年克讀卷官時以擁立功欲封輔臣
伯爵岳遺書蔣公冕義必力辭冕然之上疏申明職掌曰陵戶
任文舉法司查例免差乃因太監扶義之請特免全戶千戶鞠
王英法司擬徒以太監閻洪之奏特調外衛人者邵經分賊瀆
貫太監傅倫借債鉅萬法應提問俱送司禮甚非法行自近宮
府一體之義又以 上數不豫請遵 聖祖寡慾勤政之訓宮
寢限制進御有時清心省事自然有益退朝卽御文華裁決章
奏日暮進宮不爲修身立政亦所以養壽命之源疏入報聞奉
命同錦衣王佐勘甘肅兵變正總兵李隆謀殺巡撫之罪因災異
岳進刑獄之失平者八事如王欽罪當殊死今雖發遣仍合抄

沒各營草場侵費百萬罪雖遇革職應入官總兵朱麒縱僕爲患應合革回內官石明因債殺人法當成獄乃因訢斷發充軍給事中劉最鄧繼曾御史黃國用郎中顏如璵等各犯罪薄而充軍爲民大重御史馬明衡朱泚因 皇太后聖旦免賀論列事雖欠審心實無他併御史李本陳逅貢外林應聰論救乃併下獄南京守備叅員外李棠事在彼中應發南京法司乃出爲典史乞寬釋諸臣以慰羣情尋陞兵部右侍郎時大禮未定岳上疏大意若以兩考爲嫌則但稱 孝宗廟號不必稱伯考庶正統大意猶未失會內閣石珪請如岳所擬 上切責珪奪岳俸二月先是大同兵變 命侍郎胡瓚往岳恐驚衆密令總兵

裨勇斬首惡數人餘釋不問而主兵者狂率揚兵衆復據城叛
及議增兵又畏縮班師且以功叙章下兵部該科道鄭一鵬蕭
一中劾瓚等身提大軍未收寸功兇孽未靖遽班師叙功罪在
不宥又奏帶人等卿史輒爲覈實岳時以左侍郎署印執不可
駁行改正岳又言山海關征稅非舊例徒以厲商請罷之有
旨令騎載肩荷勿征每歲所入務覈實爲修邊費有侵匿者許巡
關御史劾治太監崔文欲陞其姪崔昂爲裨將岳執不用內閣
有所託不聽由是權璫噤之適寧夏總兵种勛以賄入京求調
爲東廠所獲追出禮單無岳名御史聶豹奏東廠曲護東廠論
辨 旨責御史言事不真岳因乞休得 旨俞允御史徐岱疏

言鄭岳种勛之事情出牽誣况其爲人氣節可尚言論不阿甘爲恬退足見高致乞予恩典爲廉者勸居鄉杜門自重絕干請若民間利病輒白所司行之平心率物未嘗一毫侵牟於人性嗜學至老手不釋卷詩文酬應無倦所著有山齋等稿

胡世寧浙江仁和人弘治癸丑進士嘉靖四年任左侍郎詳本部尚書

王時中山東黃縣人弘治庚戌進士嘉靖四年任右侍郎五年轉左詳本部尚書

張聰浙江永嘉人嘉靖五年任右侍郎本年轉左詳內閣

王羽直隸灤州人弘治己未進士嘉靖五年任右侍郎

籍

伍文定湖廣松滋人嘉靖六年任左侍郎詳團營

周倫直隸崑山人弘治己未進士嘉靖六年任右七年轉左陞
南京刑部尚書

王廷相嘉靖七年任右侍郎本年轉左見團營

陳汝謨湖廣武陵人弘治丙辰進士嘉靖八年任右侍郎十年
轉左尋爲民

潘希曾字仲魯浙江金華府金華縣人弘治辛酉舉於鄉明年
壬戌登進士尋被選翰林院庶吉士除兵科給事中 武宗登
極時閣監初熾已灼見其機會有故大監汪直義男汪鏗乞陞

錦衣衛鎮撫帶俸守塋者卽首疏奪之其略曰世祿以及子孫鬼神不能歆非類內臣本無後而強求世祿之恩義男本異姓而欲冒他鬼之後疏上中官切齒恨之又上疏勸武廟隆大孝勤聖學節遊樂遠佞倖八事逆瑾遂決謀中傷正德丁卯差湖貴二省計處邊儲陞吏科右給事中時瑾虐焰方張凡差者必重賂以求免禍有司亦爲備千金希曾毅然却之曰我爲諫官未能除君側之惡我之罪也奈何復助之乎瑾風曾多叅劾爲招賄地不從遂大怒矯命械繫詔獄拷訊百端欲寘之死逮杖闕下希曾暈未甦瑾快其寘因此後生潘某也死矣左右負以出卽日除籍爲民時見瑾者雖公卿必屈卽被謫

不必辭以行曾獨不往既還鄉里杜門不出日惟課子弟讀
宅後傍水有佳竹蔭可息間招親友觴咏悠然自得因自號竹
澗居士云庚午瑾敗伏誅明年詔起刑科右給事中甲戌偕太
史甘泉湛公若水奉 詔持節往使安南錫麟袍玉帶以行尋
陞禮科左給事中既入其國先諭威德正禮儀然後致 命其
動容出辭足以服裔夷章 王靈非徒不辱而已紀事觀風有
南封錄焉復 命陞工科都給事中會內官監奏請修大素殿
天鵝房諸役費累鉅萬抗疏九爭之其畧曰方今邊儲告匱冗
食日繁山東河南近經兵燹江西四川未復瘡痍况營建 清
寧二宮大木采及於遠方工料派遍於天下若復別興土木誠

恐民不堪命疏上不報然無益之費自是少息丙子擢南京太僕寺少卿先是滁和之民困於買馬爲奏更折色民大稱便而馬驟視昔亦易完屢遇災沴輒請蠲貸以蘇民困長淮南北之人咸德焉在滁凡六年不調世廟御極乃擢本寺卿嘉靖癸未遷南京太常寺卿期月改北提督四夷館乙酉晉都察院右副都御史提督南贛汀漳等處軍務賜璽書斧鉞以行至則明號令修器械時簡敎令謀勇信賞罰以爲備先是壬癸之亂招撫新民衆多各巢連和漸以猖獗爲我民害希曾鑒昔日之弊務馭以誠信其有自相告訐者則聽之以離其黨先年有有功未賞者有司或吝於出納乃謂有功不賞何以示勸悉令賞

之於是惠州黠寇賴貴聚衆肆虐乃發兵進剿空其巢穴奏凱
上嘉悅賜金幣慰勞焉泐頭餘賊會蛇仔七巢蝟興流劫江廣荼
毒生靈乃發諸路兵夾剿賊大懼襲通判董鳴鳳以要我撫曾
曰此賊故智欲緩我師耳昔人墮其計中吾可復蹈覆轍乎乃
下令曰通判自償事不足恤然有能掖之出者悉宥之益督進
兵戰數合賊大敗生擒渠魁餘黨奔竄通判卒獲全乃令以功
贖罪犁庭俘馘罔俾遺育乃籍其田業貧民審其脅從者分配
內地全活甚衆於上功獻捷曾弗張皇謂于効勞期於成事而
已希賞非我志也故紀述勞勩多歸之人至俘獲稍涉疑似者
卽不以報奏上已召入爲工部侍郎矣迨論功竟弗及焉人

謂其善處有功尤人所難雖賞不稱功公論固在也既還朝
時河水汎濫漕渠弗利任事者方興新河之役費且數十萬死
者數千人人心皇皇歲運不繼天子集會議賜璽書兼憲
職總理其事既受任誓殫慮畢力濟大事夙夜兢業考故詢謀
遂決策以爲沛漕之淤塞因黃河之旁衝因上流之未疏今宜
疏支河以殺其勢築長隄以防其衝然後挑通沛漕自無復淤
之患乃上疏大畧謂河流故道非一其大而要者若孫家渡趙
皮塞乃上流之支河也沛縣飛雲橋乃下流之支河也弘治以
前三支分流會於淮而入海故徐沛不受其害邇來上流一支
俱就湮塞全河東下併歸飛雲橋一支下束徐呂二洪上竭

河流水溢爲游波茫無畔岸於是決隄壅沙大爲漕患探本之
論固有在矣上嘉納焉旣至濟卽達觀徐沛險阻弗辭相度
要機洞利害乃復上疏以爲濟沛間漕渠忽淤者蓋由決河西
來橫衝并壑闡河之水東入昭陽湖故闕水不復南流而飛雲
橋之水時復比漫故沙停而淤也今宜加築東隄以遏入湖之
路更築西隄以防黃河之衝臣愚且懼不敢求新奇之功不敢
爲苟且之計惟欲因舊以爲功從省以濟事故捨新河而修舊
漕者圖其易也沿黃河爲隄百四十里者防其溢也停派夫十
數萬僅用河夫二萬餘者恐民勞也罷僱募而行犒助者慮錢
糧難繼也上復納之不期年而功成支流疏於上而黃河之

上以分長隄障於下而黃河之沙不入沛漕通歲運如故一如
其言已丑秋河溢境山西徙三百步亂石絕流流下射高數仞
雖虛舟不得上有冒險而下者十覆三四於是遠近駭愕大懼
舟戒弗行乃命穿故河廣十丈以通水稍截徙河逼之東仍於
徙河兩涯下埽以漸相屬埽漸逼河流激盪因決入故河奔放
衝滌一夕河廣一倍二三日盡復其舊是役也有風終新河之
緒者有風條新河之害以聞者一弗從蓋不欲徇人之非以
償國是不欲揚人之短以彰己功故功卒成而人弗病於是御
史傅公烜疏其費用甚省功緒速用上以紓九重漕河之
憂下有以遺一方民田之利工部尚書章公拯疏其區畫有方

督理有序累年難成之功一旦告成宜加陞賞以勵臣工上
乃加尚書俸級仍總理之任己丑冬疏乞骸不允辛卯春
召改兵部右侍郎上任五日而部署六部堂屬多被逮以一身任
其責上承清問下率羣僚內稽圖籍外籌邊計舉無遺策本
兵宿蠹沿襲世胄憑怙乃釐革裁制盡復舊章若申明襲替事
例亦其一也是年秋陞本部左侍郎冬復勅督理仁壽工
役力疾趨事日弗遑暇壬辰三月十九日上御正殿傳制賜
進士希魯朝服侍班退朝喜甚謂自登第餘三十年今始再
見是日同省迎進士合主賓百餘人宴會盡歡日昃始歸有頃
不起年五十七訃聞贈兵部尚書性孝友質直簡靜惇慤平生

言動未嘗少越法度接人冲夷和粹而不喜諸諂無亢無比無
賢愚大小一見必稱曰長者長者使人未嘗逆億待之以情尤
篤於故舊鄉里後進雖未相識愛助不遺有德於人未嘗自言
人有不以禮自處者人弗能容獨亮之不見其非於事靡所不
學而一無所炫視之若愚及臨大事決大疑若燭照數計知止
足而拙於進取爲太僕凡八年居卿貳且三考未朝列漢有同
者而恬然無介其讀書精思力究發爲文章雋腴古雅詩尤清
婉所著有竹澗集若干卷

錢如京直隸桐城人弘治壬戌進士嘉靖十一年任左

二年總督兩廣歷刑部尚書

黃宗明浙江鄞縣人正德甲戌進嘉靖十一年任右侍郎本年
謫福建叅議歷禮部左侍郎

黎奭湖廣鍾祥人正德辛未進士嘉靖十二年任左侍郎本年
丁憂

寇天敘字子惇山西太原府榆次人藐而孩卽不喜嬉戲五歲
時母趙淑人病久髮弗櫛家人欲剪之叙曰是不可毀傷及卒
哀毀如成人禮十二旁通舉子業稍長弗屑事佔畢名燁燁動
三晉弘治辛酉舉於鄉卒業太學尚友天下士而與馬谿田伯
循呂涇野仲木崔后渠子衷切劘聖賢之學以躬行力踐爲本
詞非所先也正德戊辰登進士第尋陞南大理評事每錄囚務

矜恤讞疑理枉多所平反有勢豪撲殺人出家人代伏其辜叙評之曰天道神明獨誰欺乃駁奏竟抵其人之罪不畏強禦尤個個然留都人人知寇評事會兩京曹官得舉科道趨者恐後天叙曰官求盡職何必科道耶獨不赴布袍羸馬晏如也旣考績部院皆著上考丙子陞寧波知府府巨室能訛是非成敗人叙曰吾惟知爲國恤民爲民惜財已矣是非在人成敗在天則何能知徭役稅糧宿弊叢積首務釐革之利罔不用興強每肉弱乃抑其強而弱是植丁丑百穀不粒糧額如故民患之乃白於部使者米得折銀省而易輸皆欣欣稱便且禁遏公筭人歸落鄉勾稽以重民之擾事惟謹期會而已俗歸於訟尋

卽盈庭聽斷無宿案而日以簡焉有董孝子祠祔以女人像非
禮也而亟路之祀先師教演大成樂庶幾洋洋之音尤專意學
校每進諸生訓以德義器識之大者而論文務崇理致士經品
題者多取科第顒顒嚮風已卯陞應天府丞民惻惻然如嬰兒
離慈母相率抱其靴而留之迨至應天會府尹缺卽攝府事時
寧庶人反武宗御六龍討賊庚辰春駐驛留都權嬖怙寵提
督汪彬尤鷗張所過率以重賄迨免於禍守臣亦諷賂之對曰
是實不能與其行賄敗節寧得罪何傷彬洶洶每務持迫之屬
有不可行之事指畫利害與之抗論多所中止中官勾妓婦善
音者數百人拘之別室以備供應饑餓疾病纍纍迫於死言於

彬而釋之常以事觸彬怒令人偵之迄無短可持偵者乃勸往謝彬竟不謝而彬亦不能有所加也其他權嬖所需求難饜焉直沮之曰俟面奏與卽與爾皆莫能誰何 駕北旋諸守臣送之維揚卽得還天叙迤邐於淮安坐不行賄爾是時江南諸郡皆緣迎駕厚歛民而乾沒其閒 駕駐留都凡九月費且不貲一一出經畫而民不知亦不病也壬午 皇上登極紀元應詔查舉內府神帛堂十庫及花園進鮮諸冗費謹敷奏之首餘年之弊一旦而革甲申饑饉困乏人相食多方賑恤鄉落散米粟城中煮粥以餉之尋復大疫施醫藥周視閭閻或勸止之歎曰我爲百姓厲豈干耶治應天四年餘百姓恃爲命士夫有

焉是年陞左僉都御史巡撫宣府會有警急難以至乃改撫治
郎陽未幾又改甘肅節鉞甫臨回騎犯山丹指揮將士遏其鋒
斬酋首脫脫木兒及部落三十六級威名遂震甘肅荒徼諸司
往往眇之凌蕩法守叙切憂之乃訓人以廉德樹素絲之風而
先之太監總兵官役軍雜草輸之官廩所給值價一到則勾奪
而有之乃榜令軍交草於官官交值於軍毋旁落他人之手屯
糧額外有科水流田巧勒地頭錢無名甚矣並嚴其禁又每團
軍士較其技勇懸銀的而令射之諸所俘獲賞必及其功買功
賣功悉論罪殞於鋒鏑者尤加之意什伍之衆桓桓有聞志先
是同夷土魯番侵軼酒泉郡 廷論開關絕貢且二年餘彼夷

頭譯文求和辭涉悖慢天叙議曰彼夷勢必求通於我而我無終絕之理能絕其貢路矣將亦絕其入寇之路乎或不能也但彼夷桀驁不大挫衄之則朝和夕叛無益焉耳是宜聚糧犒師以張我撻伐之威以堅彼夷悔禍之志然後議和則操縱在我而不在彼庶可恃以無虞又總制軍門欲遣使傳檄詰責彼夷迭出哈密王如其人不類聽選擇本類一人主理事獨執不可以爲祖宗間關立哈密而欲世世守之雖被彼夷占據終我地也若廢置由之則地彼有之矣豈春秋正侵疆之意乎況倉卒遣使而爲彼羈留如國體何乃逸聽爾選擇立王數語直付貢回夷使執之去此皆長久之計也彼夷別種貢獅子牛狗

詔許其入特請却還之又請御經筵親羣儒講求治道又以嚴清戎謹備禦廣屯種添京運處物料添軍器分部官七事乃備邊要務皆請行之疆場日聳焉下亥陞右副都御史巡撫陝西關中兵荒頻殷民艱孔亟專務安靜養民輕徭薄賦節縮費用以紓其力吏習口佻申飭官箴以警之而貪俺暴吏必斥弗貸且訓練軍士作其敵愾虜薄固原鼓而擊之斬首一百有奇捷聞璽書褒異陞俸一級兼有文綺白銀之賚戊子春會織造太監至行部之臣議奏罷之叙曰意則美矣但初到遽奏恐卽不罷將益張其焰爾事各有機姑待之可也是歲大稔陳乞廣蠲糧額大發帑銀兼支引鹽皆得請喜曰吾民生矣乃夙夜

皇皇周咨長慮講求善法手提其綱簡庶僚而分任之凡所以
祇承德意而康濟斯民者無遺力故民雖嗷嗷而卒之溝中
無瘠道上無殣其功居多至是乃疏織造太監非荒年所宜設
非饑民所能供果得報矣其精於慮事類如此庚寅陞刑部侍
郎遭外艱歸大臣臺諫各騰章薦其可大任癸巳服闋改兵部
侍郎天下想聞風采以疾在告雲中變作力疾上疏極言叛軍
稔惡怙終宜彰天討乃陳分別善惡與懸賞格諸方畧雖病
中而憂時之心常不忘已而疾殆竟卒年五十四性孝友敬在
太學時卒聞父毅菴公有疾裹糧而馳歷六晝夜跋涉千餘里
而抵家躬視湯藥疾遂瘳自是無違左右迎養於四明於留都

於關中憚甘肅險阻乃分俸以養病淑人登卒每言輒嗚咽思
日痛哭如初喪友愛諸弟日怡怡如至有過必責責必俟其改
中丞張南川稱其寬而不縱嚴而不迫大不遺遠細不遺近涇
野呂宗伯稱其行已省身可與神明質可以知其槩矣

張瓚直隸滄州人嘉靖十三年任左詳本部尚書

徐問直隸武進人弘治壬戌進士嘉靖十三年任右侍郎

李廷相山東濮州人弘治壬戌進士嘉靖十四年左十五年改
禮部歷戶部尚書

周金直隸武進人正德戊辰進士嘉靖十四年右十五年總督
漕河歷南京戶部尚書

周叙湖廣九谿人正德辛未進士嘉靖十五年左本年總督宣
大軍務歷工部尚書

潘珍直隸婺源人弘治壬戌進士嘉靖十五年左右尋左十六年
閑任

李如圭湖廣澧州人弘治己未進士嘉靖十五年左右十六年改
吏部歷戶部尚書

樊繼祖嘉靖十六年任左見本部尚書

張衍慶河南汲縣人正德辛未進士嘉靖十六年右兼學士十
八年爲民

陶諧字世和號南川會稽人幼明敏沉默儼若成人年三十二

以春秋領弘治己卯省元第丙辰進士爲翰林院庶吉士改授
工科給事中首疏乞緝熙聖學以裨治道極言治亂存亡之故
且請以大學衍義置禁中以備退覽未幾以父喪歸起服當

武廟時內臣劉瑾丘聚魏彬馬永成輩竊權亂政疏劾之前後疏
上若戒逸遊以保治安遠讒佞以一政令修人事以弭災異停
止不急工作以杜奸謀停止差官賣鹽織造等疏皆直指羣邪
欺蔽之罪無所顧慮瑾等由是大憾之以他事誣指廷杖落職
爲民旣又指大學士劉公健謝公遷及諸名士若干人交締成
黨宣之勅諭憾猶未已以在科時嘗巡視十庫遂駕言缺乏
布疋提解詣京下之詔獄据撫百端誓死不爲動乃復杖謫戍

肅州衛怡然就道在肅與大司馬劉公大夏大司寇潘公蕃相
唱和爲西行漫稿若牧羊臺賦蘆鴈橫塘等篇托物寓意忠厚
婉順綽有離騷九章之風瑾敗被詔還家十餘年間詠詩讀
書若將終身及世廟龍飛追錄耆舊起江西按察司僉事區
處發運南京水兌省費鉅萬踰年轉河南按察司副使管理河
道先是修河物料如榆柳椿木草棘麻之類皆賦諸民間給商
買辦吏書因而爲利虛其價值歲費數萬用且不敷比至廉得
利弊廼更立法於沿河皆植柳木以取柳稍之用因以固堤又
於大堤兩傍遍植葭葦採取捲掃以當草束椿木則免樹商之
稅給價徵納棘麻則以水利河道賦罰紙米俱折棘麻費減用

周無煩於民總理臺臣奏請通行論者謂歲率省費十餘萬及轉叅本藩區處河南北分守事宜舉爲民便時大行賊陳卿爲亂害及山西河南等處二省會兵征剿未及進詣密探其徑道先以奇兵擣其穴賊茫然不知所自遂擒卿大行底定轉右方伯尋轉左居越月陞都察院右副都御史提督南贛汀漳等處軍務兼理巡撫至則條數事請行曰重守令專分守寬農民懲貪吏行之及期厥有成績乃遷少司馬仍兼中丞往督兩廣郡盜橫恣掠破城庫甚者偕稱王號諸至盡心經度隨宜剿撫若西山瓊州連州古田南平七山暨海賊凡七獲大捷斬俘總數萬計招降復業者總二十餘萬計又添設建白等縣分屯固守

以絕後患先是兩廣奏功者多請求當道以希遷擢每捷將下或以爲言諸弗可雖屢荷白金綵幣之賜而人以爲未稱其功也反側旣平復謂廣右列壤遐僻文教未洽乃立嶺表書院簡郡邑子弟之秀者親爲之訓誨務在廣揚德化作其良心俾爲民表率士旣綏懷俗亦丕變至於今賴焉時太淑人在堂懇疏乞歸養不允及卒訃聞候代期年乃得歸詔賜祭葬如例制終起入贊本兵殫心武事思爲遠猷日夕考求職方險要并其兵糧將統盈虧賢否之跡手書以備應用凡會議朝事侃侃必盡所見勿恤異同厭俗流靡退食輒杜門不事交謁衆皆歎服稱爲古君子居一年遇廟災懇乞避位奉旨致仕旣

歸惟覽書課農不求安逸族黨有貧乏者賙之歲荒爲粥通道
以濟餓者存活甚衆嘉靖丙午十一月有疾將終強起正襟端
坐命取忠靖新寇易之遷於正寢而卒年七十二所遺有西行
稿北上洪都中州行臺贈遺等稿若干卷奏疏若干篇歷官河
南南贛兩廣經畫事宜若干帙梓於家

國朝列卿紀卷之五十二終